

歙縣志卷之九

人物

新治荆曰賢人君子處五倫之內隨所遇而見非龍比獨不能爲曾閔之行也各志分名別類竊以爲志體與史體不同史操筆削之權志者識也但識其事之本末人之行誼上貢之太史以備採擇褒貶而已私自條分而論斷非體也今仿通志一以人物槩之但紀代編年詳其行事自以爲無弊焉

又曰孔子集羣聖之大成朱子集羣儒之大成定

論也前志仿馬遷作孔子世家亦作朱子世家夫孔子於易曰贊於詩書曰刪於禮樂曰定獨於春秋則曰作蓋以時無盛王予奪不行於天下不得已而以天子之權自予故曰知我罪我其惟春秋馬遷懷才被刑憤時嫉俗創編年而爲本紀世家列傳書表其亦有專志焉然其世家孔子也或非之夫循其實則列傳也崇其道卽本紀何不可故非之也今志非史也修志者非身任史官之職者也

聖天子操爵賞於上大宗伯考典制於下而我敢自蹈於妄且僭乎夫朱子固不以世家重也且更置顏曾思孟於何地乎故但列本傳循實也

又曰張公舊志傳有明韓國公李善長定西侯蔣貴咸寧侯仇鉞三公其韓國公祖墓產稅及定西居里考之鑿鑿戴公續志刪之及宵山何公作府志論之尤詳并以黃實夫司馬筆記爲証然亦論而不錄也余竊謂前代民風朴實不尚矜誇李蔣仇三公旣藉定遠與江都則定遠江都之不似後世出仕顯榮雖已入藉他鄉其本藉必記而列之也韓國勲業人品雖不及鄧侯房杜然較之趙忠

獻似勝以明祖之雄武當時文武名臣之衆而始終以元勳稱之其必有大過人者定西出身行伍日不知書而崛起封侯威振西南咸寧身陷賊中奮其智勇不煩朝廷一矢手縛叛王皆近古人傑新安志書遠稱程汪二公而近遺李蔣仇竟莫之辨而存之何也今並錄而傳之兼及前府志所載弁黃司馬筆記於後

明兵部車駕司員外郎黃華實夫有志郡乘錄成巨帙而未編次其後有筆記云幼聞國初丞相李善長乃歙人祖墓在一都四裔獅塘產稅在汪宗遠戶後詢者舊暨今禮部左侍郎肝江張先生昇所聞皆同或云善長本非李姓元季藏修近居靈金庵中不三四年兵亂因攜幼子流寓定遠轉胥池陽時明祖高皇帝提兵過郡善長收圖籍封鎖鑰進謁

上與語大悅曰此吾今日之蕭何也自後軍國遠謀多所贊畫迄于定鼎厥功懋焉官至中書左丞相封韓國公卒坐胡惟庸事廢當時廷臣莫有能辨之者獨學上解縉代虞部郎中王國用為奏狀論其冤云臣聞君親無將春秋誅意臣子事嫌于不軌固天下之所共誅幽明之所同憤者也然於事嫌不軌之中辨析幾微之際此禍幾之所不測骨肉之所難言者惟主能察焉竊見太師李善長與陛下同一心出萬死以得天下為勲臣第一生封公死當封王男尚公主親戚皆被寵榮人臣之分極矣志願亦已足矣天下之富貴無以復加矣若謂其自圖不軌尚未可知而今謂其欲佐胡惟庸者揆之事理大謬不然矣人情之愛其子必甚於愛其兄弟之子安享萬全之富貴者豈肯僥倖萬一之富貴哉雖至病狂亦不為矣善長於胡惟庸則姪之親耳於陛下則子之親也豈肯舍其子而從其姪哉使善長佐胡惟庸成事亦不過勲臣第一而已矣太師國公封王而已矣尚主納妃而已矣豈復有加於今日之富貴者乎且善長豈不知天命之不可倖求取天下於百戰而難為也哉

當元之季欲為此者何限莫不身為壘粉世絕名
 汚僅保首領者幾人哉此善長之所熟見也且人
 之年邁摧頽精神意慮鼓舞倦矣偷安苟容則善
 長有之曾謂有血氣之強暴感動其中也哉又其
 子事陛下托骨肉至親無纖芥之嫌何得忽有深
 讐急變大不得已而後父子之間或至相挾以求脫禍
 圖全耳未有平居晏然都無形跡而忽起此謀者
 也此理之所必無也若謂天象告變大臣當災則
 殺人以應天象夫豈上天之所欲哉今不幸已失
 刑而臣懇惻為明之猶愿陛下作戒於將來也天
 體也且臣至疎賤非不知言出而禍必隨之然耻
 立於聖明之朝而無諫諍之士始者側聽私室引
 領朝端意謂群臣豈無忠智左右近侍必有為陛
 下言者公卿大臣必有為陛下言者臺諫御史必
 有為陛下言者而事在寬延未已羣臣杜口竟無
 一人為陛下言之臣所以忘其賤糞陛下萬一感
 悟臣其就鼎鑊無所復恨其論如此則善長心事
 庶暴白天下後世矣又按皇陵碑記稱左丞相信

國公李善長今云韓國當時封爵或隨時遷轉耳
 又當時吾鄉佐命儒臣若朱升汪仲魯輩遺墨無
 一言與善長往還意者禁令嚴密大臣彼此鄭重
 不敢私交未可知也右李丞相事曩亦與聞幸
 得竇夫為之表白今按一統志於定遠人物中未
 嘗載之則其初以流寓貫戶籍而實非定遠也可
 見矣其不載於歙縣人物者以其既貫定遠不復
 知其為歙縣也本為歙人而新安志亦不載之者
 以其坐事得禍慘且流徙以外徑入仕籍莫悉其
 本末也反覆考之丞相為歙人無疑矣但恨不得
 其詳不敢為之傳姑存竇夫所記以俟知者

漢

方儲字聖公精蓋氏易通圖讖建初四年舉孝廉又舉

賢良方正對策為天下第一五年春二月庚辰朔
 日有食之詔舉極言直諫之士丹陽太守周歆以儲
 進儲極言天降災咎之由上召見儲等試解琴絲衆
 莫能理儲拔劍斷絲對曰反經任勢臨事宜然上深
 偉之除郎中尋出為句曲令六年遷阜陵令遭母喪

莫土成墳種松柏嘉木數千本致鸞鶴白兔之瑞元和初舉賢良方正對策為天下第一轉洛陽令帝永元五年六月將郊祭以儲善天文問之儲勸帝毋往其日天晴明帝遂行詔責其欺儲曰臣受書先師推步萌兆今咎時且至愿乘輿亟還使者去儲嘆曰為人臣耻蒙不忠名遂自殺比駕還雨雹大如鴈子鹵簿後乘士皆疾馳去帝大驚使召儲儲已死帝甚傷之追官太常尚書令封黔侯詔護其喪還葬世皆言聖公仙去於是民廟祀之兄儋南郡太守弟儼丹陽太守剛果皆類儲出元秘書李孝光傳

宋

汪叔舉字鵬遠大明中仕為軍司馬

陳

程靈洗字玄滌篁墩人程元譚後也遠祖茂為齊郢州刺史梁武帝舉兵茂移書責其反正及郢陷武帝欲官之不受茂子譽善綴文嘗作東天竺賦與柳惲齊名歷官秘書監靈洗少有勇力步行日二百餘

里便騎善游梁末海寧黔歙及鄱陽宣城郡界多盜賊近縣苦之靈洗逐捕劫盜以安鄉井侯景之亂聚徒保黔歙以拒景軍據新安太守湘西侯蕭隱奔依靈洗靈洗奉以主盟梁元帝于荊州承制遣使問道奉表建議拒賊攻下新安授譙州刺史資領本部太守封巴丘侯後助王僧辯鎮防武帝殺僧辯靈洗率所領來援其夜力戰於石門頭西門軍不利遣使招諭久之乃降帝深義之及平徐嗣徽有功封遂安縣侯後隨周文育西討王琳軍敗為琳所拘尋與侯安都等逃歸累遷太子左衛率天嘉四年周迪重寇臨川以靈洗為都督自鄱陽別道擊之迪敗走遷中護軍出為都督郢巴武三州諸軍事廢帝即位進號雲麾將軍華皎反遣使招靈洗靈洗斬皎使以狀聞朝廷深嘉其忠為增守脩給鼓吹一部因推心待之使其子文秀領水軍助防時周遣將率步騎二萬助皎圍靈洗靈洗嬰城固守及皎敗乃出軍躡之降其眾因進克周沔州禽其刺史裴寬以功改封重安縣公進號安西將軍靈洗御下嚴刻士卒有小罪必以軍法誅之然號令公與同甘苦眾亦以此附焉性好播植躬耕稼別水陸所宜刈穫早晚雖老農不及

伎妾無游手並督以紡績至於散用資財亦無所吝
光大二年卒時年五十五贈鎮西將軍開府儀同三
司謚忠壯配享武帝

廟國朝春秋致祭

程文季

字少卿靈洗子幼習騎射多幹畧果決有父風
弱冠從靈洗征討必先登陷陣尋助父鎮郢城

華皎平父子并有扞禦之功靈洗卒文季盡領其眾
起為超武將軍性至孝雖軍旅奪禮而毀瘠甚至服
闋襲封大建中從都督吳明徹北討至秦郡文季前
領驍勇拔開其柵明徹率大軍自後至遂克秦郡又
別遣文季圍涇州屠其城進拔肝貽圍壽陽軍陣嚴
整每戰常為前鋒齊軍深憚之謂為程虎累遷北徐
州刺史加都督呂梁之役隨明徹併陷於周周以明
徹為衛將軍封懷德郡公而文季不屈為周所囚十
一年逃歸至渦陽為周邊吏所執送長安死于獄是
時既與周絕不之知至德元年後主始知之追贈散
騎常侍以子嚮襲封重安縣侯

隋

蔺亮

開皇九年廢歙置新安鎮文帝愛亮驍勇命將兵
守之後大業之亂賴其保障民不識干戈常屯兵

于浦口山上鄉人呼為蔺將軍巖立祠祀之

唐

汪華

字國輔一字英發其初績人遷治于歙曾祖秦祖
勳父僧瑩皆仕陳母縣西鄭氏華生幼穎慧孤而

貧母孳歸外氏母亦尋卒及長身長九尺廣額方頤
龐眉隆準美髭髯不事田業落魄縱放聞睦州有演
公習武事往從之游還以勇俠聞大業之亂以土豪
應郡募平婺源寇有功時杜伏威起江淮郡將張某
又與相應心獨忌華乃遣華如箬嶺山開道欲因事
誅之華與裨將汪天瑀領兵開拓不日而畢比還張
不加禮更劾以差役不均稍侵之華怒將士突入府
闈張懼遁去郡人謹請攝刺史以鎮一方宣守聞之
將遣兵來戰華分部諸屯自以精兵八百人先入宣
境未至三十里宣將陳羅明出敵敗走華擊斬之宣
守而縛降釋不問因撫定其民選其精銳以歸既而
杭睦婺饒等四州相繼皆下時郡治黟華乃遷治休

寧之萬安山以憑其險奄有六州帶甲十萬建號吳王奉隋正朔義寧中遷治邑於烏聊山部內賴以平安者十餘年及唐高祖受隋禪而秦王出師江左華日日月出矣燭火不息可乎武德四年九月甲子乃籍土地民兵奉表於唐高祖嘉之詔曰具官某征因離亂保據州鄉鎮靜一隅以待寧晏識機慕化遠送款誠宜從褒寵授以方牧可使持節總管欽宣杭睦婺饒等六州諸軍事欽州刺史封越國公食邑三千戶時杜伏威據丹陽自稱行臺命王雄誕以饒洪兵萬餘人來侵華遣天珩等擊之郡境以寧及伏威入朝其長史輔公祐奪王雄誕兵以叛僞建位號華兵討之公祐懼退保武康丹陽遂平華振旅還令兵民各復其業明年遂朝于京師太宗伐遼東詔為九官留守駕還尤稱其勤後薨于長安賜雜綵十床黃金百兩東園秘器恩禮如功臣永徽二年諸子以喪還葬縣北七里雲嵐山父老請于郡建祠祀之子建郎州都督府法曹璨費州涪州令達以征賀魯龜茲高昌功襲上柱國越國公鎮鞏昌廣遂並飛騎尉達薛王府戶曹爽岐王府法曹俊鄭王府參軍獻早卒

吳少微

第進士長安中累至晉陽尉與武功富嘉謨同官友善是時天下文章宗尚徐庾氣格卑弱獨少微嘉謨詞本經學雅邁高雅時人爭慕之文體一變稱為吳富體少微預修三教珠英撰崇福寺鐘銘嘉謨作雙龍泉及千燭谷頌九為作者推重時魏郡谷倚為太源主簿亦以文詞著名時號北京三傑中與初吏部侍郎章嗣立薦少微嘉謨為左右臺監察御史少微卧病聞嘉謨死慟哭賦詩尋亦卒有文集五卷子輩亦以文行知名開元中為中書舍人

汪萬干

字叔振有詩名憲宗時仕為江陵戶曹參軍

黃芮

黃屯園人事親以孝聞繼母洪病芮割股進糜而愈父卒哀毀北渡潭陰卜兆廬墓終身不去墓側產芝十四本木連理者四刺史上其事貞元十九年下詔旌表免徵故居地崇祀鄉賢

王希羽

詞藝優博天復元年登第時已七十餘昭宗新平內難詔知貢舉杜德祥有孤貧屈人宜以名聞特勅授官故德祥以希羽曹松劉象柯崇鄭希顏應詔各授校正時號五老榜其制云念爾登科之際

當予反正之年宜降異恩各膺寵命

皇甫湜

字持正擢進士第為陸渾尉仕至工部郎中性

判官度修福先寺將立碑求文於白居易湜怒日近舍湜而遠取居易請從此辭度謝之湜即請斗酒飲酣援筆立就度贈以車馬繪采甚厚湜大怒日自吾為顧况集序未嘗許人今碑字三千字三縑何遇吾薄耶度笑日不羈之才也從而酬之

南唐

舒雅

字子正幼好學才辭敏贍與吏部侍郎韓熙載為

忘年交在門數十人推雅為首會熙載知貢舉雅以狀元登第後歸宋歷將作監丞太宗於禁中造閣取四庫書數萬卷藏之特秘書監李至因薦雅及杜鎬等人充校理自太平興國中預編纂文苑英華淳化中較史記前漢書至道中修續通典較定周禮禮記公羊穀梁傳疏及別纂孝經論語正義咸平中較七經疏義累遷職方員外郎咸平末出守舒州致仕

就掌靈仙觀復直昭文館卒弟雄官至尚書郎

呂文仲

字子減父裕歙州錄事叅軍文仲舉進士為太

理評事掌宗室書記入宋累遷少府監丞預脩太平御覽廣記文苑英華轉著作佐郎太宗每御便殿閱經史觀古碑刻輒召文仲與舒雅讀之嘗令讀文選江海賦賜緋魚以本官充翰林侍讀寓直御書院時文仲以書史侍書于著以筆法書學葛端以字學並承顧接咸平間與楊徽之夏侯僑竝為翰林侍讀學士嘗受詔集太宗歌詩為三十卷六年授御史中丞多所平反景德中終刑部侍郎集賢院學士嘗使高麗清濼無所求後每使至必詢其出處時呂端呂祐之亦嘗為使國王王治問使者劉式中國用人必應以族望如唐崔盧李鄭否式對惟賢是用不拘族姓治日何姓呂多君子也

宋

士明

字公明太學生建隆中為鄆陵令百姓沿故例行賕賂不受但令購薪芻久之積如丘山築堤以脩

水忠羅之廣州
歸惟承襲自隨
字昌言為南唐秘書丞通判鄂州宋師南下與州

張諤
將歸欽太平與國中除西川轉運使先是中土罕
習身練取競渡者給漕運多溺死諤置威權軍分謀

管勾自是無虞子秉字孟節儀狀善屬詞書翰太
宗嘉之歷遷要職後知澶滑二州鑿浚以防契丹南

渡會紀分陰遷知并州上作詩賜之徙相州九年復
料察在京刑

獄暴疾卒

俞獻可
字昌言端拱初登第歷歸州軍事推官權領州

治江為楊過之斬亾命二人以狗晉御史建言天下
所上瑞物不在圖牒者毋得以聞提點廣西刑獄平

定水蠻終龍
圖閣待制

俞獻卿
字諫臣以儒術自任與兄獻可相繼進士調芍

薩諸無名費鉅萬計會轉運使至部三日得半年之
健人對條邊策甚備知杭州作隄數十里民便之以

刑部侍郎致仕

謝泌
字宗源登進士第知龍州三遷殿中丞直史館時

言路稍壅泌抗疏陳之王禹偁請百官謁宰相須
朝罷同時接見以防請託泌謂不可疑大臣以私輔

臣非接見賓客何以究知外事上覽疏嘉納之拜左
司諫真宗時嘗薦王旦數人皆至卿相知襄州時聞

鄧城令張逸有善政乘暇日渡漢至逸境以觀風謠
載酒邀飲吟嘯終日而去薦逸官至樞密直學士為

時名臣西祀還授右諫議大夫判吏部銓卒錄其子
衍為太常寺奉禮郎

衍為將作監主簿

呂士元
字佐堯以明經歷四會太和令太和民喜聞訟

嘗因事申吏以法日伺士元終無瑕可摘四會
俗雜蠻夷士元所

剖決靡不心服

聶冠卿
字長孺登第司理建州召試館閣校勘累工部

郎中李照改定大樂引冠卿為檢討雅樂制度
時製奉禮歌以備三疊詔冠卿及照造辭以配是年

郊祀遂用焉特遷刑部郎中直集賢院嘗為契丹賀

生使契丹主稱其靳春集歌詩清麗因自擊毬縱飲
命冠卿賦詩禮遇甚厚還入翰林為學士每進講左
氏春秋必引尊王黜霸之義以諷一日墜笏既退上
問曰冠卿清羸如是何也對以居喪哀毀所致乃出
禁中湯劑賜之因告歸營葬至揚州卒其弟世卿通
判宣州宋卿校書郎冠卿嗜學有靳春集十卷河東
集三十卷子友仲平

仲文仲儀仲皆貴顯

呂溱字濟叔寶元元年進士第一通判亳州直集賢館
同脩起居注出斬楚舒三州復修起居注進知制

誥又出知杭州入為翰林學士疏論宰相陳執中姦
邪執中去溱亦出知徐州賜宴膳堂遣使諭曰此特
為卿設宜盡醉也詔自今由經筵出者視為例尋徙
成德軍以忤都轉運李叅奪職分司南京後加龍圖
閣直學士知開封府改樞密直學士提舉醴泉觀卒
帝悼之詔中書曰溱立朝最孤絕跡權貴故中廢十
餘年人無言者方擢領要劇而奄忽淪亡家貧子幼
宜優給贖禮官庀其葬事以勵臣節贈禮部侍郎
俞易直字平叔尉彭澤檢旱宿山寺有嫗夜至門委白
金一襖而去直呼吏僧封識送縣及還令欲盡

法籍犯者家而使直得賞易直笑曰易直豈以此
賞邪即縣斷罪以賊沒官足矣歷三任以母老不
雅為郡守曾謬所敬易直病曾使邑令盧知原監城
卜酒稅周秩重二人往視之環堵蕭然因問以後事
易直曰棺已具衣已浣矣方屬妻小耐葬先塋不為
齋具此外無所須也盧乃遣吏齋錢五萬供湯藥易
直曰財非天降地湧何由而得不受吏再至不復視
日吾平生貧不惟今日豈以五萬錢變吾志哉是夕
卒

汪叔詹字至道濟口人登崇寧進士嘗權蕪湖縣發運
使請堤丹陽湖為田叔詹不可乃止高宗即位

南京命叔詹太常博士充徽幣官儀注多所草定從
至揚州議駐蹕叔詹以揚州無險固不若且駐金陵
徐圖興復尋以司農少卿總領湖廣六路財賦餉武
昌軍凡八年無闕事卒年八十一子五人皆貴若海

別有傳

汪希旦字周佐登大觀進士知泗州轉朝奉郎直秘閣
會旱蝗開廩賑粟蝗不入境麥生兩穗治最賜

三品服後知袁州巨寇張琪壓境時岳飛將張憲軍留郡希旦移書郡將宜屬憲守不用琪入寇且聞于朝遣將討之郡守論罷以朝請大夫致仕

錢學與弟醫并讀書尚氣槩宣和中方臘甫平餘黨尚遡浙而西醫兄弟起鄉兵勦平之建炎秋金兀术入寇將敗走功開并補承信郎衢寇張花項犯歛逼嚴又敗之郡賴以安後卒紹定中邑人上其功郡議實中省并封侯立祠于邑之乳溪

祝確字永叔純厚孝謹親喪廬墓兄弟先後死熙河確如禮諸弟析產時四女弟猶未行確罄已貲遣之吏部朱松為諸生時年甚少確獨器重竟歸以女生文公熹方臘之亂郡城為墟有媚權貴者挾墨救徙州治溪北眾患潦漲欲訴於朝莫敢為倡確奮然身任州治卒復其舊

吳大用字德庸莘墟人侗儻好善為鄉閭所推重曾割已田捐資開濬昌場灌漑鄉田數千畝鄉人感

祀

王六幼孤母凌瞽草屋半間風雨不蔽依親金氏久而厭之時六甫九歲翼母返其故址刈薪拾螺易米以養遇秋獲輒覓滯穗藏以待乏歲晏則賣薪買酒祭父啖母學校上其事省部旌表門閭

汪若海字東叟潛口人未冠遊太學會金兵侵擾詔求重地不可割康王起兵相州乃上書樞密曹輔請立為大元帥鎮撫河北以持金人則京城之圍自解輔進其書將用為參謀遣如康王所宰相何栗執異議不果京城失守二帝北行補書抗粘罕請存趙氏夜縋城出謁康王于濟州請蚤即位高宗立議以張浚宣撫川陝未夾若海謂將圖恢復必在川陝往見浚

極談竟日浚大驚尋以論事廷執政謫英州道出臨川時江夏軍馬李允文跋扈擁眾數十萬若海馳往

論之允文感悟即舉軍東下若海復為書招其徒同歸惟曹成疑貳將殺若海以計得軍印遂奪其衆五千人歸招討使張浚因獻平寇策朝廷悉用之湖湘遂安紹興中累遷直秘閣知江州及經畧中原

朝議躋之若海已死若海生平齎達為文操紙筆立就踔厲風發高宗嘗以片紙書若海名諭張浚曰似此人材卿宜收拾會浚去國不果召

汪若容

字正夫潛口人登進士為永興簿地產茶巨商榷磨妨民田若容繩其魁大均水利百姓賴之尋知洪州璽書召赴行省陞對干言切中時病除將作監丞是冬金人犯淮甸若容慨憤卒朝士痛愕有集三十卷弟若思字行夫博學能文渾浩皆登第

蔣果

字明道性剛明仗義不屈建炎四年金人犯順其徒馬吉以兵眾自宣城犯邑境界果奮不顧身率鄉兵守烏泥嶺發矢礮石賊負而退郡推功奉朝旨補進義副尉賜弓劍旗馬賊張琪自饒突入邑果復自備糧餉隨寓戰鬪屢報擒捷及賊壓城果又調遣鄉兵千餘于城西防拒眾勸果仕果曰吾昔勤勞捍寇忠義所激也今偷安田野足矣紹定戊子知州事范鍾以郡人追念建祠祀之

畢景安

字時泰建炎間為順昌司教師範端肅改國學司業進通直郎年七十賜閑紹興中左遷朝散

大夫趙祥之來知州事故門下士也佩服德教時造門請謁為治第于郡城上北街居之是為畢氏始祖

羅頌

字端規呈坎人學古志道以任子補承務郎累擢知郢州簡易廉明獄無冤滯卒于官邦人巷哭之其在荊州帥葉衡自謂幕中得天下士周必大再入翰林頌獨以書勸其無恃一節高眾為無愧必大加敬弟願亦為其所重每以二程期之有狷庵集

羅願

字端良呈坎人七歲賦青草以壽其父以第累任判贛州兼攝州事時寇攘甫定政清訟簡贛人賴之改知南劍州陞辭所言切中積弊孝宗賞之從臣交薦改界鄂州至郡上五事皆切時政卒鄂人繪像于靈竹寺願學好古法秦漢朱熹稱其文有經緯所著有新安志爾雅翼鄂州小集論文者以為南渡後第一人

章元崇

字德昂博通諸經尤長于春秋兩冠鄉書待次於潛簿築讀書堂于杏城溪人號環溪先生有著述數卷名蟹螯集終奉議郎

方恬 字元養 一字仲退 試禮部第一 教授荆門 後周必

大李燾 程大昌 交薦之 授太平州教官 除太學博

士 其學貫穿經史 務為可用 有正論 十篇 機策三篇 皆譏切時 病傳于世

方有開 字躬明 隆興進士 擢國子錄時 歲饑 當輪對論 切時弊 孝宗嘉之 遷司農丞 獻屯田大計 除轉

運判官 兼廬帥 有開益勵 將士措置 營屯人 服其能有詩十卷 奏議五卷 屯田詳議三卷

畢永暉 字端明 避英宗諱 改名希孟 仕初門縣尉 方臘

之亂 擒殺反賊 擢曹州總管 遷兵部郎中 直昭 文館 上輕車都尉 兼龍圖閣待制 葬問政

山人 號待制 墳有翁仲 存焉 吳草廬為志 呂午 字伯可 嘉定四年 第歷任沿海制置司事 時海寇

未平 午廉知調軍出海之弊 議糧盡再給 不許擅 還賊舟 所有悉以給軍 海氛遂靖 晉御史 時鄭清之

喪師 挑敵京湖 淮西皆危急 趙葵在淮東 不出兵 午 疏論 葵無同舟共濟之心 時史嵩之在京湖 與葵皆

憾 午乃遷 午宗正少卿 出知泉州 尋起復 為御史 兼 崇政殿說書 嵩之與言路密謀 攻之 午即 治裝去 遷起居部 吏院官 卒 贈通奉大夫

張震 字彥亨 知蕪湖縣 秋稅米六萬石 加耗十之六 以 為官吏俸 綱運費 震愴然 減其耗之半 擢太常寺

兼權吏部郎官 知湖州 踰年 公私富羨 乃捐府帑 八 萬緡 代倚郭烏程 歸安兩縣 民輸免丁錢 一年 又以

九萬緡 為餘邑代輸 罷四安鎮商稅 置酒坊 以補課 額 官至朝議大夫 兄弟七人 隨俸賜多 少均給之 先

以蔭 官兄子大猷 後及子遠猷 大猷終 判南潭州 排岸使 遠猷 叅江東議幕

趙善璪 字德純 以宗室 登嘉定進士 第嘗謂 縉紳不明 大法 九章 無以斷疑 未幾 中法科 除大理評事

後 通判廣德軍使 大饑 借倉司米錢 數千緡 為糶民 賴之 改知江州 水滂米價騰躍 時轉于 諸路糶米三

萬餘斛 分撥諸邑 米價減半 上嘉其 績 增秩 召為尚書郎 有自警 編行世

項牧 字伯謙 登第 初授 榮州文學 歷轉 郴州軍士司理 以文學 知名于時

祝穆 初名丙 字和父 處士 確之曾孫 父康 國于朱文公 為內弟 遂從文公 居崇安 穆與弟癸 同事文公 于

雲谷 性溫行醇 學富文贍 著事文類聚 方輿勝覽 諸 書 子洙 常著四書集註 附錄第寶祐四年 進士 宰執

次系志 卷之九 人物

程元鳳蔡抗取其書進呈知軍徐直諒特薦其學行于朝授太學博士

吳景字叔夏師朱文公徒步走寒泉精舍就正所學文公淡嘉之安貧守道意薄進取徵為郡校書弗就

學者稱友堂先生所著有易論及書說八十卷史評七卷詩文五十卷孫豫能守祖訓自號塲圃居士

吳發字伯韞弱冠登第為臨川法曹掾多所平反考較廬陵經生持司馬遷諸家所言三皇五帝同異詰

難久之發曰孔安國承詔作傳非私著者比眾乃服嘗慮囚慶元狴犴充斥不能容徙之他獄發移牒索

罪人考問多所平停悉遣還家權聲載道

吳雲龍字叔霖器局夷曠篤好程朱之學屢中鄉選在本縣學諭以詩名于時

張雄飛字宏甫幼孤執喪過哀試于鄉見罷即絕應舉專教授鄉社子弟作家訓郡新創紫陽書院成

堂長舉請月一謁祠致餽答曰謁祠尊師也干祿非也却之門人私謚曰明善先生

吳自牧字益謙溪南人嘗取鄉薦三上春官不利退講究問辨自信其所得作講義史評雜著數百篇

執經來學
歲百餘人

吳自中字益欽嘉定中以鄉薦授福州學教授教人有方學者多所造就

程元鳳字申甫槐塘人父放有隱德南登第除太學博士尋用范丞相薦為宗學博士講書榮王府多

所裨益輪對極論世運剝復之機理宗覽之口有古遺直風遷著作郎累章指陳時病進江淮荆浙福建

廣南都大提點坑冶乞外補知饒州久之上思其忠謹召為右曹郎官除監察御史兼宗政殿說書度宗

為皇太子首上書乞選端士增輔翊之員又極言邊條刑獄等事上親書昭光清忠儒碩六大字賜之除

侍御史首疏乞取法孝宗八事取當時有德望才學政績者五十餘人奏薦之守工部尚書特授端明殿

學士同簽樞密院事陳財計五事除參知政事拜右丞相條陳時政最急者八事尤以進賢為急務了大

全參預因上疏乞解機政除觀文殿大學士判福州福建安撫使依前職典祠于是大全柄國任私滅公

醜正黨邪鄂渚有警詔下山林問策安出元鳳即手疏收人心重賞罰及固結民兵數事奏之咸淳元年

以登極恩進少保拜少傅右丞相兼樞密院使進封
吉國公扼于賈似道以少保觀文殿大學士致仕卒
年七十遺表聞上震悼輟朝兩日特贈少師謚文清
子象祖除朝奉郎直秘閣述祖蔭授揚州制置司幹
辦公事
元不仕

呂沆 字叔朝左史午之子恩補將仕郎端平間銓試第
一知於潛囚逸者聞沆至自來歸罪尋判婺州賈
似道議行公田彗星見沆請罷公田還民理宗崩似
道又矯詔廢十七界會行關于沆力言非便似道怒
調將作監簿三學伏闕上書訟沆屈召赴行在沆不
復出官至朝議大夫賜紫金魚袋年八十一事見宋
史

錢時 字子一是號融堂汝溪人幼奇偉師楊慈湖以易冠
漕試既而絕意科舉究明理學主席象山書院丞
相喬行簡特薦之朝且日時夙負才識尤通世務授
秘閣校勘未幾出佐浙東倉幕太史李心傳奏召史
館展對愷切旋以國史宏綱未畢求去授江東帥屬
以歸所著周易釋傳尚書演義學詩管見春秋大旨

四書管見兩漢筆記蜀阜集冠婚
記百行冠冕集學者稱融堂先生

劉伯謙 字謙甫居父喪一遵古制既祥猶不如葦師慈
湖楊簡友融堂錢時著理學正傳四書講說行
于世弟伯証字証甫魏了翁真德秀讀其文稱善為
之序有唐史撮要左氏本末三傳制度辨詩文二十
卷真魏二人相繼
論薦力辭不仕

胡崇 字宗叟與兄嵩同登淳祐四年第授句容簿制置
使吳潛辟入闈幕深陽素號難治豪右率詭名避
役崇奉閭楸嚴經界權貴人皆相責實不待履畝縮
十萬戶為三萬戶依賞格轉文林郎歷官太常寺差
知撫州似道嗾江西安撫曾淵子陰中傷之崇竟不
赴似道南竄以將作大監召命下而宋運去矣崇精
通經術歷為武官考校得人
如馬廷鸞厲文翁皆在選

汪應元 字尹卿以進士調潭州戶叅政守幕事多屬之
尋奉檄道經綏寧會猺洞嘯聚應元挺身召諭
酋長卒降服之累遷刑法科除大理評事出知建平
縣有死囚送郡道逸自造庭下曰公明理盡情寧死

于縣不願死于郡朝廷聞其異能復召入累陞直秘閣後忤當路罷歸未踰月詔起視事疾作剖决猶不輟卒于官

程元岳

字遠甫槐塘人丞相元鳳從弟寶祐元年進士武學博士景定元年率學館同僚上疏言時事

三叩上前遂出國門有旨命留尋除宗學博士御筆云擁俊望以重來知直心之猶在二年除權工部侍郎兼修玉牒嘗彈擊姦相官寺封歛縣開國男食邑三百戶所著有山窓集

唐廷瑞

字君祥號容齋寶祐進士特奏名授福州文學轉遂安簿勸農桑興教化簡獄訟知郡錢可則

辟入議幕漕使魏克愚聘充試官所拔皆時雋叅政馬光祖辟充齊安庾曹仍延入幕府多所建明試兩浙漕又以尚書預薦官至總幹乃老蚤孤事母至孝有容齋雜著十卷藏于家

陸夢發

字太初凡書過目成誦尤深于春秋登寶祐四年第充江東安撫司幹辦公事時馬光祖為安撫使委决所部事悉依經傳律裁决如流深敬異之改知溧陽縣兼准西餉管榜開糶民得無饑省惜

浮費率充軍實太傅趙觀文薦於朝特授臨安府左廂公事條奏私塩之弊轉太府寺丞時有蔡御診者罪當誅遁入海拒命有旨令夢發率兵討捕朝士多危之夢發嘆曰既為臣受命當致身而已既至軍失利歿於王事賜銀絹葬儀贈朝請大夫所著有烏衣集折南集曉山吟藁

趙時陞

字德範宗室年十七補宗學時丁大全董宋臣授興國軍教授用事與同舍生伏闕上書斥其奸景定中登第

修富川志書

汪儀鳳

字祥甫山泉人六歲能文師吳自牧程元鳳兩淮閩累奏遺逸有旨文學出身免銓叅注歷官淮東制置大使司幹辦公事度宗即位廟堂議以史館處之謝不顧以通直郎致仕病不服藥衣冠端坐而卒

晚築山泉亭人稱山泉先生所著有山泉類藁四十二卷

朱伯陽

字士元以外祖汪光帥越功推恩授長興簿尋判揚州李廷芝郭德安咸薦其能改判安慶府

次系志 卷之二 人物

時安慶新城西北連高崗塚塹淺狹朝省役沿江諸軍浚之隆冬地凍高岸崩陷役者被覆壓于餘人伯陽奏停其役官至朝奉大夫

程四明 幼孤鞠于姑之家姑病革四明聞之亟往省問取髓粥而進之姑疾遂愈

汪維崇 字賢甫叢睦人性忠孝見國祚不振有志恢復福王與芮聞其賢妻以女授承節即歸語弟惟

卒

江友直 字德正以薦為經學長陞本州教授以節義自負伯顏入臨安恭帝被執友直升堂痛哭示諸生以大義不食數日卒葬梅口之原書其墓曰餓殺塚至今人呼其山為餓殺塢孫彥傑立孝思祠祀之元

方回 字萬里一字因甫號虛谷穎悟過人儻不羈善詩文為隨州教授呂師夔提舉江東辟充幹公事

賈似道喪師後回上書數其罪有十可斬又泣言賈似道與其客廖瑩中皆當即誅出知建德府宋亡入元累遷通議大夫致仕歸所著有碧流集桐江集讀易釋疑易中正考尚書考儀禮考皇極經世考古今考歷象考衣裳考玉考先覺年譜各僧詩話若干卷及宋季雜傳

吳龍翰 字式賢向杲人宋咸淳鄉貢授迪功郎編國史院實錄入元鄉校諸生禮請充教授尋棄去為

堂曰躋壽以奉親為樂居喪一遵古制號古梅有詩十六卷雜著二百餘篇子霞舉字孟陽師吳玉齋領邑教事十餘年据經析理迥絕前聞事後母盡敬居鄉好施與所著有易管見六十卷筮易七卷太玄潛虛圖說文公喪禮考異

吳安朝 字元鎮登進士授衢州學教授累遷參議閩浙招捕司事歸元授池州路總管府判官丁母艱

時例不解職獨乞終制知賀州絕私謁屏貪吏擇家居謹愿者錄用州政肅然時桑哥柄政棄官歸

程遷 字廷秀有勇善射初為縣尉至元中從征安南以功授千戶

汪維祺 字壽甫信行人宋監丞若容從孫由江東漕解

老乞歸養併上十二事成宗嘉納賜

鄭安 字子寧淮帥聞其才屢辟不就宋亡明年李世達

門言曰亂者世達一人既已敗走民爭具牛酒以俟

將軍何罪而欲屠之乃免之以安為歛令未期年而

鮑壽孫 字子壽宗巖子壽孫早慧中咸淳丁卯漕解第

一時事始更賜銅章

即真尹既沒鄉人思其惠請立祠祀之子千齡

有騎軍至遂散父子俱免

程大年 槐塘人博通經史不仕元值郡城兩被寇大年

持出為總管府決壽畫笑城賴以全奉旨辟為

紫陽書院山長詳

程篁墩貽範集

曹涇 字清甫號弘齋幼穎悟八歲能通五經不專攻舉

子業研窮經學尤精詣朱晦翁書為文典古有法

丞相馬廷鸞招置賓塾教其子端復端臨端博學

知名撰文獻通考其學實出于涇至元中授紫陽書

院山長招致生徒創闢學宮及歸養不復出州里士

林宗之與方回齊名所著有講議四卷書藁文藁韻

藁麗藁各五卷服膺錄 讀書記古文選等書

洪椿 字子壽至元中萬戶李木魯敬辟為本縣丞尋改

僊居簿時邑民李念二為亂省遣萬戶提重兵至

脅官吏手狀誣闔邑均為賊境將屠之椿曰盜止一

鄉餘民何罪手可斷狀不可與以死爭之得免歷玉

山東陽縣尹秩滿乞歸

道卒子焱祖別有傳

鮑同仁 字國良泰定元年試蒙古翰林院授全州學正

要等二賦注及經驗鍼法

砭之術治無不中有通玄指

次系志

卷之九 人物

汪逢辰 字虞卿年四十始教諭鄉校歷陞嘉興簿致仕
著有鳴球集忠孝集稽古編七經要義大平要覽

唐元 字長孺號筠軒槐塘人總幹廷瑞之從孫也家貧
自奮以詩名與洪炎祖俞趙老為筆硯交時號新安

三俊屢試明經不售遂篤志古文辭泰定丁卯徵
為平江學錄歷建德分水三較俱崇實抑浮士風丕
變已而以徽州路學教授致仕詔賜金龍衣者再所
著易傳義大意十卷見聞錄二十卷詩文五十卷

從祀鄉賢

吳以寧 字寧之天曆戊辰蠻獠叛郡將盡發屬卒征之
有悍卒江乙等十餘人持挺入大家劫取私藏

以寧罄予之事聞有司當卒以盜獄成後朝廷遣官
慮囚至徽坐獄者皆在召以寧問狀以寧曰兵興卒
求賄耳無殺人意非盜也官用其言破械出之時有
長者之名

鄭千齡 字耆卿授延陵巡檢調祁門尉歷淳安休寧尹
操守廉介所至有惠政比卒士民私謚曰貞白

先生子玉別有傳

洪炎祖 字潛夫號杏庭為平江路學錄歷官休寧尹致
仕為文根極理要所著有新安續志十卷爾雅

翼音注三十二卷杏庭摘藁五十卷

劉德智 字彥明本張姓也德智少知學好孫吳兵法旁
究釋老方伎之書由庠序選為建德路儒學正

後為平江路總管府知事所至並著能聲

羅宣明 字宣明散家貲募兵保障鄉井城陷而復者再
歛宣明功為多癸巳夏四月元帥沙不丁治邑城以

宣明慷慨仗義俾分築百三十丈丙申正月浮梁劇
盜來城復陷宣明請兵江浙省妻蔣氏羅賊并子死
之追明洪武元年授山陽知縣

鄭璉 字希貢至正中蕪賊竊據徽城璉與兄璿傾貲召
募義兵克復城池十三年隨福建道都元帥帖古

迭兒克復婺源州擢太白渡巡檢十六年正月賊復
據徽州璉璿復募兵三百五十同官軍克復進攻黟

縣漁亭藹江賊寨又進復祁門縣治守禦縣殺賊二十餘人人生擒偽百戶牛子俊偽千戶巴子成數人元帥李誠以其功呈樞密院陞充行軍都鎮無疇字國英性孝友居鄉仗義人多德之

江宏宗字巨卿至正壬辰斬黃賊至邑宏宗與兄日新郡城宏宗兄弟統民義項志道及黃朝哲等焚賊營擒賊首錢魯二偽帥克復郡城再復休寧燬賊程萬戶營寨追戰黃屯斬首三十餘級群賊悉平鎮撫哈迷上其功詔授徽州路婺源州同知明初簡拔材武詔遷宏宗真定府同知

江日新字萬全輸粟授婺州稅課大使斬黃兵由饒至宏宗等退屯遂安元軍復城以鄉兵從宏宗力戰有功新與銓憲度俱戰死贈日新進義校尉徽州路婺源州判官銓進義校尉官以日新子賽因為黃山巡檢

鄭玉字子美隱居教授門人受業者眾乃構師山書院至正間以翰林待制奉議大夫遣使賜御酒名幣

浮海徵之不起所著有春秋闕疑周易大全附註程朱易契餘力稿十七年明兵至守將欲要致之玉曰吾既不得慷慨殺身以勵風俗猶當從容就死以全節義遂縊死

吳添字仲祥博通經史性好施嘗折券不責其報當元季之亂與兄堅遠道遇寇將兵之兄弟爭死寇感其義得兩釋時稱充山三老

鮑元鳳棠樾人事親夙以孝聞元季寇至邑盡奔竄鳳與妻子訣曰吾有母不能爾恤遂躬負母深避巖穴艱苦備嘗亂定歸近暮恍若神導與妻子遇母喜極泣曰吾兒棄妻子脫我于難乃俱獲全天也

程相字仲和由歙槐塘徙績溪以從祖元鳳郊祀恩奏補登仙郎元尚書謝昌元以故官薦相得信州錄判官歷浙東道宣慰副使有環谷集若干卷

呂誠字誠孚出歙徙居婺源澧水至正庚寅以明經中晉州判官棄去壬辰寇犯婺源明年誠率先倡義協輔元帥鐵古迭兒克復城堡是歲江浙行省科舉召

次系志 卷之九 人物

為掌卷官竣事之諸暨任紹興路檄踏旱災誠躬驗
分數朱文公六世孫坤與崇安縣五夫里劉氏爭田
久莫決誠白同知阮得柔曰田本紫陽樓基劉居五
夫里于紫陽何與始得直田歸朱氏尋遷興化縣尹
改除延平路推官到任城陷誠從經畧使李國鳳克
後路治夙夜躬臨畚築觸冒煙瘴致疾終于官

明

李善長

東鄉人傳云本姓胡名以進嘗讀書靈金山後
為昱嶺吏因世亂挈子往來池鳳間遂籍定遠

明太祖畧滁陽善長謁道傍留幕下掌書記謀議軍
機畫糧餉甚見親信嘗語公務鞫和諸將成功一日
上從容問天下才智之士善長以金華宋濂博學洽
聞且知象緯進上曰知象緯莫如青田劉基是年滁
陽王欲拔善長置麾下弗肯行上總兵和陽謀斷出
諸將右諸將忌之善長委曲調護及發采石善長為
戒戢軍士榜入太平榜通衢城中肅然初置太平興
國翼元帥府以善長為都事丙申三月從克建康籍
軍民凡五十萬七月奉上為吳國公善長為江南行
中書省叅議轉給軍食戊戌上征婺州守建康辛丑

議立鹽錢茶法進叅知政事癸卯上援南昌復征武
昌皆留守甲辰奉上為吳王陞右相國乙巳上言湖
廣邊務議江右湖廣魚課歲可得穀一百餘萬石資
餉李濟據濠善長為書招濟丙午濟降吳元年率諸
臣勸進上未許時刑獄太繁上謂善長無更連坐叅
議李飲冰楊希聖不職善長劾黜二人九月論平吳
功封宣國公十月定官儀尚左改左相國充總裁官
定律令是月議取中原福建廣西十二月率百官勸
進明年戊申正月上即皇帝位兼少師二月進郊社
宗廟議五月上幸汴議定都又議取元都善長留守
八月駕還上六部官制十二月定喪服及三司朝賀
東宮儀二年正月上諸神祭禮及翰林官制二月監
修元史四月奉詔編祖訓十二月議賞平定中原功
三年正月定服色議征沙漠置司農司河南制存恤
祿養國初都先鋒十大元帥都尉指揮陣亡無後者
之父母妻禁淫祀是秋病十一月大封功臣上諭諸
將日善長雖無汗馬之勞然事朕久給足軍食功甚
大宜進封韓國公授開國輔運推誠守正文臣太師
左丞相食祿四千石券文比於蕭何四年正月致仕
賜臨濠地墳佃戶董建臨濠宮殿七年以善長弟存

欽系志

卷之九 人物

三

義為太僕丞移江南民四十萬墾濠田命善長總田
事八年秋南安侯監田弗勤又勅善長留鳳陽者數
年子祺尚皇長女臨安公主為駙馬都尉歲祿六百
石是年廣洋陳寧劾善長不問十三年正月胡惟庸
辭連善長羣臣請逮獄上曰朕初起兵善長謁軍門
日有天日矣是時朕年二十七善長年四十一所言
多合吾意命掌簿書贊計畫功成爵以上公以女與
其子此吾初起時股肱心腹吾不忍罪勿問善長奏
還儀戶既而仍給御史左中丞安然老命善長理臺
事十四年議征漠北雲南十六年上文官封贈蔭叙
例十七年河南水命俱賑恤二十三年春肅清逆黨
榜列勲臣五十七人善長猶在上列未幾坐罪不問
會有星變其占為大臣災御史再言善長遂暴卒年
七十七 虞部郎中王國用上書訟其寃言甚切至
上亦不罷也王世貞
以為解縉代為之

朱升 字允升石門人聞資中黃楚望講道益浦偕趙沔
從學焉歸登鄉進士授池州路學正以身示法江
南北學者雲集丁酉明太祖至郡召見被顧問升對
曰高築牆廣積糧緩稱王太祖大悅遂預帷幄密議

禮樂征伐之事升所贊畫居多吳元年受翰林侍讀
學士中順大夫知制誥同修國史誥詞曰眷我同姓
之老實為耆哲之英後致仕太祖親灑梅花初月樓
字以賜自號楓林學者稱楓林先生所著有易詩書
周官儀禮記論語孟子大學中庸孝經小學旁註又
有書傳緝書傳補正老子孫子旁註子同字大同舉
人才為吏部司封員外郎
所著有覆瓿集新安志

唐仲實 名桂芳槐塘人教授元第五子也生有夙慧年
十五受詩錢水村盡得其學時危太僕鄭師山
皆負人倫鑒咸折節與交薦除崇安諭南雄學正皆
不就戊戌明太祖幸欽延訪耆碩守臣鄧愈以公名
聞召見首問平天下要道對以不嗜殺人語太祖大
喜因力陳築城之苦立為罷役賜尊酒粟帛撫慰而
去事載御製五倫書為明朝開言路第一目云所著
有武夷小藁白雲集畧行于世學者稱為白雲先生
崇祀鄉賢名宦

姚璉 一名廷用字叔器弱冠從胡雲峯先生遊呂仲實
嘗問曰論語說心幾處對曰不踰矩聖人之心三
次係志 卷之九 人物 三

月不違賢人之心飽食終日衆人之心有心哉隱士
 之心仲實稱善始授紫陽書院學官旋授松江青龍
 鎮教諭已改諭杭州錢塘縣又改太平教授時叅政
 董搏霄初復杭州賊大侵徽饒行省假公與叅政討
 賊因上十策叅政大奇之無何還歛諸帥防歛者交
 章薦授本郡推官領帥幕事又大帥樞密院判某移
 書起鎮睦俱不就日與宋景濂孫道安葦結社論文
 講學賦詩自署雲山一嬾翁于世泊如也明太祖至
 徽延訪耆碩守臣鄧愈以名聞與唐仲實等同被召
 見事具載御製五倫書所著有鳳池山房集及書文
 若干卷學者稱鳳

池先生崇祀鄉賢

鄭亨

跳石人其先以元末徙居廬之合肥父用少有武
 畧明太祖起兵淮甸自和州率先應募積功授平
 陽衛百戶陞大興衛副千戶亨襲父職出使漠北至
 幹難河以撫輯功陞密雲衛指揮僉事成祖舉兵靖
 難命亨攻薊州生擒都指揮馬宣歸政雄縣真定大
 捷及遼東軍圍永平亨賈勇奮進敵遂披靡旋師收
 大寧未幾戰鄭村壩克紫荆關復廣昌取蔚州大同
 大戰白溝河乘勝逐北直抵濟南滄州之役亨軍北

門芻糧所聚兩軍必爭之地亨力戰破之又收順德
 軍于深州夾河藁城西水寨連戰俱捷遂躍兵廣平
 畧地彰德所至皆下歷取諸縣及東平汶上等堡對
 敵小河塵鋒靈壁擣泗州取鎮淮渡江克金川門策
 勲頒爵封亨武安侯奉命出關巡視山川險易亨奏
 調大同前衛帶管東勝等衛措置得宜自是各衛皆
 從所錄以聽調用上屢親征亨扈從每著勞績仁宗
 嗣位念亨舊德特命佩征西前將軍印充總兵官鎮
 守大同宣宗倚任尤重屢降璽書褒異
 之卒追封漳國公謚忠毅子孫世襲

劉榮

敬興人元至正壬辰羣盜蜂起榮倡義保轄鄉井
 八年除河州茶馬司令陞進義副尉同千戶
 侯諒獲疆賊張明遠再陞兵馬司副指揮

洪仲亨

字同卿桂林人元末歲稔明兵定歛後稅課多
 轉餉軍前明太祖嘉之賜
 將仕郎兼管諸軍勸農事

汪俊德

字自明西沙溪人個儻有大志元季侍祖秋岩
 避亂遇寇欲刃之日願殺我代祖寇異而兩釋

之著有覆瓿集子積善嘗為親卜地道得金珥因守
之須臾一婢號呼而來詰其實歸之善自卜地道經
王村水漲候渡忽遇一男婦拜水干延教其家蓋
前婢也未幾水大漲覆行舟善無恙尋卜得吉

黃原泰 號立山仇川人授易於朱楓林洪武初以明
經舉授宛平教諭著有尚書講義教額園集

畢祥卿 家素饒好行其德明太祖入新安祥卿率諸父
老郊迎王師同唐仲實等承明問應對如流樹

撫良久賜官
帶以榮其身

鄭潛 字彥昭號樗菴長齡人有學行由內臺掾薦累官
泉州路總管入明以故官起除寶應縣簿陞潞州

同致仕所著有白沙藁樗菴集弟晦字子明隱居篤
學元徵不就嘗編朝野詩選入卷潛子桓字居貞明

初以耆儒與唐仲實等召對稱旨有闕
南集關隴行藁歸來藁隨藁檜庭藁

胡永成 長徑人洪武中舉茂才掌書制誥授戶部主事
尋改工部督建城闕以功遷屯田員外郎行尚

書事按職贊務有大臣體擢四川按察副使改陝西
立要束興功緒皆有成勞在任九年天子賜詔褒頌

擢廣西叅政居官四十餘
年清慎之聲章徹中外

鮑頰 字尚綱淡子洪武初薦入尚賓館編修元史累陞
翰林修撰同知制誥兼國史院編修官出貳耀州

李天祥 字閏芳東關人隱居讀書樂善好義宗人貧乏
者恒周之又以百緡收息置義田凡喪葬嫁娶

饑寒無資及有志頌讀力不逮者皆取給焉
輸助邑學創紫陽書院以祀朱子鄉人稱之

江壽祖 字叔祺以書經貢春官洪武間官福建左叅議
與民更化同僚敬服歷四載卒于官民皆涕泣

鄭肇 字大初以貢登太學詔與修永樂大典書成受賞
榮宴賜久之授遂昌令律已廉慎蒞事寬簡改莒

沂州之
沂水

許珂 字伯鳴年十六補郡庠生潛心理學多講業名公
之門性篤孝終三年喪未嘗一入室士類稱之邑

令鄭公以賢
士題其墓

莊觀 字居正授義烏縣訓導朝廷選學行老成者專董
學政特擢觀視學陝西剛正詳慎提調有方學政

脩舉關內士風為之不變蒙誥褒顯以老致仕所著有貞庵集子歙有傳

程道寧

字叔志槐塘人由貢入胄監歷官刑部郎中以能幹名為人恢廓有量讞獄平恕政有駿聲

鄭桓

字居貞偕父官閩中明初以耆儒與唐仲實等召對稱旨洪武中舉明經終河南布政司左叅政靖

難兵起桓與弟道同隨方孝孺拒命被逮後隆慶間褒忠崇祀南京著集甚多

洪宏祖

字深遠桂林人耆儒夙抱雅為郡守陳彥回所重事每諮之建文時靖難兵起宏祖白彥回起

兵戮力勤王文皇登極回械入宏祖不願獨生左右與偕及回斃投水死

江弘義

弘禮之弟皆慷慨有烈丈夫氣母孀居共嚴事伯兄名入徙中以老母在非伯兄無能慰母兩人爭

代往禮竟去義朝夕念弟每歲單騎往視踰數十年禮歸兄弟驩然白首邑大夫顏其堂曰孝友云

汪本固

名慶寧以字行應貢入太學授貴州都司斷事

汪本固

剖析明慎獄無留滯陞廣東潮州府同知政績

愈著

唐子儀

名文鳳以字行槐塘人山長仲實次子生而穎悟尚名節郡守黃希範辟教紫陽書院後守陳

山為患率吏卒往捕忽暴風從西來日此賊徵也陣而待賊至悉就擒後徵入朝成祖親簡名流為趙漢

二藩官屬以子儀為趙傅數有諫導時王方坐嫌疑

賴子儀左

方勉

字懋德永樂乙未進士潛口人授翰林庶吉士嘗應制作麒麟聖德瑞應騶虞白鳥諸賦擊毬射柳

諸詩成祖喜後遷御史出按江浙理獄全活多人累陞湖廣叅議兼督糧儲陳言二十二事皆便於民進

階亞中大夫所著有怡菴集子陳字文郁稱神童詩詞對句奇警絕世父每日是兒早發恐妨祿命由是

不與應試挈之官會他出留陳衙舍陳私返應試登進士第授行人差修蜀志尋擢刑科給事中時方治

于肅愍獄陳草疏將伸救之感寒疾卒不及上年僅三十有三

唐子彰 名文魁以字行槐塘人仲實季子幼聰穎發憤
 下帷足十年不窺戶外尤善鍾王書法聞于朝
 詔以東帛徵至闕上喜命待詔文淵閣纂修永樂大
 典每奏一篇上輒歎曰良史才屢以親老乞歸授以
 官不拜所著有拙菴
 集四傳生狀元臯

唐吉祥 字彥禎槐塘人山長仲實之從孫也登洪武庚
 辰第出令初陽一僕自隨將覲其弟念祥意或
 有餘囊欲為持歸比至初已與僕各策蹇出城別無
 裝輪忽見弟道左訝曰汝來何為弟言故祥笑曰而
 兄行李止此蹇已盡負之矣無可煩弟者弟曰真吾
 兄也治行為天下第一賜宴春官改令葉又改南陽

汪善 字存初永樂丙戌進士潛口人授吏科給事中彈
 邑之民懷之皆為立石
 奏不避權貴縉紳憚之未幾出知夷陵州累遷永
 州府同知勤于
 撫字有循良風

吳遜 字以恭郡城人精易理研心性之學善詩文大夫
 士多咨訪之著有可筠稿見新安文獻志曾孫熙

講學斗山王龍谿
 周都峯皆器重焉

程富 字好禮永樂甲午領鄉薦拜監察御史出按廣東
 激揚有聲復按江西歲旱荒撫州賊曾子良以妖
 術惑眾至數萬劫掠居民富至即調軍躬抵巢穴破
 之俘獲甚眾釋脇從千餘人璽書褒獎遷大理寺左
 少卿奏罷江西造楮鑄錢二局又奏免掩心杉樟等
 木二百四十餘萬尋調行在都察院右僉都御史往
 陝西甘肅叅贊軍務陳言軍民利病五事復以麓川
 不靖再往雲南總督糧餉兼領官軍守哨有功就軍
 中陞左僉都御史竣事還遷右副都御史以
 疾陳請給驛還鄉子鏞授新安衛世襲百戶

金宗善 博學能文由鄉舉歷任
 戶部郎中以清慎稱

程璣 字文炳槐塘人因母善病遂習醫講習素問靈樞
 難經諸書而洞其奧治人病悉中肯綮所著有太
 素脈訣經驗
 方數十萬言

江永清 少有學行宣德壬子登鄉薦授平陽教諭遷孔
 顏孟三世子孫教授凡九年丁內艱歸行聖公

孔彥縉重其為人因檄永清于左攝教事服闋復任三年乃致仕子左字以東克承家學詩文有古人風

江浩字敬夫由鄉舉令廣昌正統間闕廣寇鄧茂七侵掠縣境浩禦之賊不敢犯以功陞本府通判仍知

縣事尋遷建昌守以兩浙都轉監運使致仕

胡宗敏應貢以楷書徵赴文淵閣除泰安州守嚴毅方正遇事有為卒于官

葉綦字永茂宣德丁未進士授行人以勤慎稱遷監察御史持憲不阿出按貴州歲旱禱雨躬驟烈日雨

降如汪尋遘疾卒

吳寧字永清莘墟人年十一選入郡庠登宣德庚戌進士授行在兵部武庫司主事正統戊午涼州守臣

以回回迭力等送京師命寧乘傳從至浙江沿海地方寧言此類資糧弗給有虧柔遠之仁詔許給月糧

著為令英宗北征寧尚書以寧練達留治部事已而土木失利寧慮必犯畿甸陳備邊十事陞本部右侍郎九月入寇大同邊報急朝命尚書于謙總督諸軍

禦之寧掌部事寇入紫荆關寧奉命出城與總兵

議方畧還至門弗啓寧立淫雨中移時既而京師蕞安寧以勞傷成疾乞歸優詔許之歸三十餘年卒子

紳紋俱領鄉薦孫瀚登進士選監察御史巡按浙江紀綱肅然

蔣貴字文富蔣家塢人貫揚州江都籍父從龍當元季國貴恒念父功屈人下甫冠即代役請難兵起首克

雄縣攻大寧戰鄭村壩取廣昌蔚州白溝河戰勝圍濟南回取滄州戰夾河藁城克西水寨敵將平安

軍于肥河戰靈壁收泗州遂渡江入京師功成論次自十夫長陞至昌國衛指揮同知後征交趾四征沙

漠敗阿魯台于九龍口復至大松嶺擒殺賊衆四川松潘夷叛以貴充右叅將率軍捕之首募鄉道從東

路險處攀緣而進賊驚曰兵從天上來耶一日戰十數合以全勝聞賜勅有奪橋斬關如古良將之譽鎮

守密雲諸關番夷復叛仍充叅將討之貴謂夷性變詐非長驅撲滅患未可彌乃大閱士連破黑虎等四

十餘寨斬首千五百級生擒稱是投崖菁死者無筭夷遂寧謐賜勅獎諭陞都督同知充總兵官佩平蠻

將軍印鎮守其地就威州千戶所建州治與儒學使

知所教列屯而耕易木柵以石遠近堡壘相望使知
 所守西戎僞王阿台等寇其涼命貴佩平虜將軍印
 率京營兵五千騎征勦兵至鎮番出魚兒海子哨還
 時寇把禿李羅率眾犯莊浪貴命將禦之生縛李羅
 等百人有謀報阿台屯伏河西遂躡跡倍道至亂山
 奮勇衝入且追且殺至石城泉斬首二百餘盡獲其
 馬駝衣械寇有逃奴來言阿台所在貴即策馬前馳
 生擒賊數十人送營謀復知其不遠令軍士疾走至
 兀魯猝見寇牧馬衝馬羣以鞭擊箭囊聲驚之馬佚
 寇皆挽弓步戰不決即令眾躍馬揮刀齊入于旗牌
 手督之遂大捷內擒一寇譯審自石城泉敗馱止餘
 人百精勇者貴得其情乃分爲犄角勢列五百騎爲
 左右翼縱百騎登高峻疑之既遇賊夾擊轉戰逾九
 十里阿台窘死西土捷聞封奉天登衛推誠宣力武
 臣特進榮祿大夫柱國定西伯食祿千二百石給世
 襲誥追封三代考妣如其爵留鎮其涼召還以雲南
 麓州宣慰思任發屢寇邊命貴充總兵官佩平蠻將
 軍印以行賊聞貴兵稍却貴師集金齒分三路夾攻
 之賊大潰斬首十萬餘級賊據木籠山爲連環七寨
 又驅象爲陣合數十萬人于馬鞍山貴悉破之賊父

子僅以身遜凱旋上親慰勞厚賜之陞定西候聞賊
 父子被繫于緬甸貴下緬取賊緬人以賊餌我師貴
 誘之以賞往焚其舟大戰俘其妻孥象馬以還破其
 寨二百餘處勳夷送平及瓦刺遣使來朝諜者知脫
 腕不花及也先俟使回即分兵入寇上命貴總兵禦
 之貴至境嚴耀威武賊引去卒追封涇國公謚武勇
 襲孫瓌

楊寧 字彥謚宣德庚戌進士授刑部主事獻獄明恕差

往永寧獨石大同宜撫整飭邊務會麓川賊首思
 任發反朝命將討之簡文臣有才識者隨征寧爲首
 師次麓川境賊約降寧曰兵未加而降詐也主將不
 聽請嚴師以待又不聽已而師敗主將坐失機謹寧
 獨以勞賞陞卽中後大舉總督尚書王驥知寧糾敵
 審仍以同行師入境王指授諸將進取方畧以寧督
 戰乃攻上江賊砦克之連破七砦斬其首陶孟等餘
 賊奔潰賊遁緬甸師還宴勞于奉天門賜白金楮幣
 拜刑部右侍郎後參贊雲南軍務督屯興利控險整
 師祥有所向乃遣使責緬甸緬人懼率誅大憝函其
 首以獻未幾閩浙東廣草寇竊發江西密邇三境懼

有寇患朝命寧巡撫江西賊至輒擊斬之寧益鎮以
簡靜還京拜禮部尚書以足疾改南刑部子堦授新
安衛世襲副千戶所著有白雲集

江祖 字崇善刻苦嗜學以貢授福州府推官民無冤獄
力抗中貴不屈改瑞安陞充
州府通判歸俱有清正聲

許仕達 字廷佐正統乙丑進士授監察御史出按福建
革除奸弊風裁凜然累官山東右布政轉貴州
左布政使
卒于官

仇鉞 王充人貫籍江都世指揮同知立功陞使充遊擊
將軍寧夏驍勇敢戰寘鏞反陷賊中京師訛言鉞
從賊與武管守備保助者又與賊聯姻為外應李文
正獨言鉞必不從賊助以賊故姻遂疑助不用諸與
賊通者皆懼不復歸文正白上用助為叅將鉞為副
總兵討賊命下數日助疏上言臣母及妻子俱在賊
中臣義不顧家恨不飛渡黃河食賊肉謝朝廷鉞亦
稱病臥陰約遊兵壯士候保助揚英諸兵至河上從

中發為內應俄蒼頭書童沒河潛入見鉞言諸兵至
河上列營鉞嗾人謂賊何錦宜急出守渡口防決河
灌城逼東岸兵勿使渡河錦果出留賊周昂守城鉞
又稱病亟昂來問鉞猶堅臥呻吟言旦夕且死蒼頭
卒起捶殺昂斬首鉞起披甲仗劍跨馬出門一呼諸
兵壯士皆至遂奪城門擒寘鏞充總兵寧夏封威寧
伯食祿千石與世券仍總兵充平賊將軍征流賊功
進侯與世券加祿百石卒子恩嗣恩病孫鸞嗣坐事
除爵

朱永寧 字孟康城北人正統戊辰進士初授行人繼選
御史出按河間府時聞北警官吏多遁去惟通
判奉印坐守永寧糾眾登陴禦敵七晝夜
髮為白命擢方下而卒

洪寬 字有約登鄉舉授桂陽知州時洞獠剽掠寬請復
遷州治于古府舊基民賴以寧後改知鄭州值州
創藩封濬漕河立會府役夫浩繁寬極言州狹民貧
免其半歲大稔奏免稅三分復請發陳麥萬石與官
粟兼濟時議革汜水古嶠闕寬謂嶠即虎牢
險塞以備不虞不可革乃止子遠別有傳

莊歙 字尚源景泰辛未進士拜河南道御史南北畿府
山東廣東福建諸藩奏免徵輸禁竊銀鑛省冗員平
賊寇止採珠夫役按察雲南獄訟悉因土俗折之政
化大行終河

程熙 字克和槐塘人景泰癸酉領鄉薦貳汀州剛介廉
慎佐郡十一載政績屢著民歌頌之紫雲臺有盜

數十往來劫掠熙單騎抵其營諭散
之巡撫勝昭方以其事聞會卒于官

王福 字天錫授杭州臨安令臨安民少悍先是為縣者
不久多被訟去福獨以勤慎歷兩任考績京師以

病辭
歸

程仁 臨河人嘗客遼陽有經寶者以罪繫獄當罰鍰金
家貧窶甚乃傭其子復鬻子婦于仁仁許之金及

見婦知故側然遣還而折其券金悉不取鍰罰得
輸官又贖其子夫婦相聚學士汪諧為序其事

方佐 字良弼領鄉薦授禮部司務遇事通敏而勤歷三
載出督直隸郡縣銀課竣事還例將遷秩以老辭

歸

吳真 字秉誠天順丁丑進士除茶陵令民多巨猾難治
有大豪構黨甚為民患真御以恩信皆化服擢南

御史改河
南道致仕

胡敬 字文恭成化丙戌進士授行人遷監察御史執法
平恕遇巨猾治不少貸清理江西軍伍益振風裁

巡按山西值歲稔傲郡邑賑濟全活
數萬人遷浙江按察司僉事卒于官

莊英 字志彥按察副使觀之孫成化辛卯領鄉薦令廣
昌赴任未二旬適閩寇竊發剽掠英挺身赴捍遂

為所害事聞尋詔贈建昌府
通判進其子潤為國子生

江昌 字伯大成化甲午領鄉薦除攸縣令專擊豪強扶
寡弱輕徭節費與民體息性聰察宿猾不敢市姦

縣稱肅治倅南昌府有當戍者挾中貴
請免昌立遣之擢守岳州府引年歸

汪正 字惟中潛口人成化己丑進士初令長樂鋤強植
弱權貴銜之沮其遷秩至再考始遷南戶部主事

次系志
卷之九
人物

陞郎中擢辰州知府當道
薦其剛大有守率于官

劉源

字濟之成化甲午中鄉舉授趙州守趙六屬事繁

源首詢民瘼急先惠政值歲旱蝗源禱雨遂應入

汪山

字仁夫成化壬辰進士授行人陞御史出按陝西

茶馬號令嚴明復按雲南有孟密疆夷曩罕弄與

木邦宣慰罕空法相讐殺三十餘年屢撫不服為邊

患山至諭以恩威皆効順各歸侵疆璽書褒勞兼賜

程寬

字栗夫槐塘人成化甲午領鄉薦歷安化光山孝

感相陰四縣令皆有政聲遷判建寧府部使察其

洪漢

字朝宗成化壬辰進士授行人累遷戶部郎中督

官廉正裁省中費例供羨餘仍
令礦官赴司交課至今為令云

韓謙

字益之成化丁酉順天鄉薦春秋第一授羅山縣

得人
之譽

方常

字秉彛以貢為湖學訓導門弟子吳瀚為御史按

安仁學
諭卒

唐相

字希愷槐塘人登成化乙未第初令保定之唐邑

招流亡除奸慝拔其秀者列之黌序親為授經用

今邑高等召拜侍御史不避權貴寺人某殺人釋弗

問相抗論竟置之法出按粵西風裁峻厲坐言事忤

吳湜

字一清成化戊戌進士除南工部主事奉使採脩

事湜却以義後累遷南吏部郎中尋以疾卒無以為殮

鄭達 字德孚成化戊戌進士授黃巖令黃巖稱難治達優為之擢雲南道御史獨持風裁名聞中外出按

遼東邊境肅然卒于官

汪貴 字良貴成化戊戌進士授嘉善令首覈買田不割稅小民賄納之弊省上下無名餽送錢扶弱抑強

豪猾誣之送吏部民數千人擁舟攀號請留其衣作留衣亭邑士周寅等為上書訟冤冢宰王恕特奏請

復職改固始縣卒于官僅衣被而已

洪遠 字克毅洪源人鄆州守寬之子成化戊戌進士歷令三縣皆有聲拜御史言事不避權貴遷浙江僉

事歲大饑賑嘉湖做富青州朱文公荒政遺法行之二郡獨免流殍累官都御史巡撫雲南十八寨夷歸

德乞降擢南大理寺卿進工部尚書乞休不許宸濠反欲襲留都遠偕本兵喬守夙夜繕治戰具卒於官

詔賜葬祭謚恭靖子伊領鄉薦禮部郎价思南太守持官清慎多美政

朱復德 字希生涪村人年十四遭父喪及長歸其喪養母禮又明年仲兄死閩中走數千里歸其喪養母

愛敬篤至事二嫂恭謹撫幼弟希同歲立里有疫者人莫敢近日至其家與藥食得全活擢亭溪上名曰

止足鄉人稱之

黃華 字實夫成化辛丑進士令金谿平江二縣嬰菑興壞知無不為遷兵部主事奉勅大閱兩京山東江

浙諸地得材官騎士數萬人水陸驛傳銀四十餘萬陞福建叅議漳汀流賊作亂討平之後逆瑾招權遂

上印 綬歸

汪存 字延堅東關人母疾割股作羹母啜而愈後隨父商歸舟宿邑之汝灘天未明父捨舟先歸人言前

路多虎存不待飯冒雨追四十里始及父果遇虎山既存泣告天願虎傷已毋傷吾父虎竟去

程玠 字文玉槐塘人性醇敏博學清介不苟合受春秋于康用和得其與殫寃皇極星曆軒岐卜筮之學

著若于言登成化甲辰進士先知死期奉使江南而卒丘文莊狀其行稱為一代異人所著有大定數太

素脉訣松崖
醫經行于世

方思潤

字廷膏成化丙午登鄉薦授桂陽州守其治甲第希絕文學荒蕪潤相度遷學作興子弟遷倅

臨江盜賊所在嘯聚潤簡民壯足芻糗葺城垣修樓櫓寇不敢犯嘗治豪猾奪宸濠湖田還民間比解政

歸宸濠使人伺于舟次殺之潤日飲餞郡中間道而返何者久乃覺碎舟以去家居足跡不入城市

曹祥

字應麟成化甲辰進士除南戶部郎中出守寶慶作興土類身為履畝教民作水車利用勸農墾闢

得稅甚多尋叅政四川劇盜藍鄂之平祥與有勞歷官右副都御史填鬼方銅平之亂榜諭輒散阿則阿

馬旋復不軌阿向等相與煽禍祥會兵擒勦酋首面縛乞降祥疾乞歸卒賜葬祭

唐弼

字希說槐塘人年二十四始力學成化丁未登第以母老乞歸養久之母卒服闋乃謁選以版署分

較禮闈得雲間李公希顏首薦之率為名臣尋命監內帑中貴人皆歛手避之出為觀察僉事分巡四川

不法吏聞風解綬去比將報政以中寒力請歸驛書適至已陟留銓兩臺固留之終不可得行無以為裝

事具成都志子侃以經魁累陞崖州守所至有冰檠聲

方遠宜

字伯時成化丁未進士初令吳橋力士賁人皆憚之徒繁青田值歲饑遠宜請發廩弛禁隣民

多就之食擢監察御史忤權相謫荊州累遷湖廣叅議因營繕顯陵奏省東南綱費千萬奉勅撰興都通

志備兵鄜州與會督府銃議復河西通遼代聲援不果行會戮死忌者併中之以苑馬寺卿歸青田人思

之祀之學宮

鮑象賢

字復之成化己丑進士初授御史出為湖廣僉事又備兵滇南轄陝西進都御史鎮其地有斬

獲功及平滇寇那鑑遷兵部侍郎鎮兩廣時獯獪倭寇四起象賢分兵勦平之蔭子告歸後起鎮山東入

為兵部左侍郎任子二致仕卒贈工部尚書予葬祭

黃訓

字學古成化進士初試嘉興令却樣金三千緡著為例以政最召至京當道擬擢給諫其從者索賂

訓拒之擬授知州文選力爭竟授郎署所著有黃潭文讀書一得大學行義膚見皇明經濟錄諸書

汪尚寧

字廷德生數歲聞其祖稱陳白沙湛甘泉之名
即思為聖人徒弱冠登成化進士第累官都察
院右副都御史所莅有善政不阿權貴故量移其官
歸時年甫四十七著有周潭集廣資錄日錄及四書
晚抄事物圖說諸
書郡志出其手

王獻芝

字德仁成化壬辰進士為御史清戎兩浙兼任
鈎刷簿書閱軍實風裁嚴峻當道畏之坐誣謫
理建昌尋遷南戶部郎領遵化鐵冶所著有使信
使楚使瀾諸稿臺憲法評歸田錄八陣合變圖說

汪一中

字正叔處籍甲辰進士潛口人授開封司理善
發奸考驗平亭陞刑部主事時盧溝堤決功費
鉅萬不就一中改都水郎往治有功尋治通州漕河
作水部志擢江西副使大盜猝起一中督兵前鼓將
王應鵬力戰師寡俱死賊中詔贈光祿寺卿建祠謚
忠愍錄其子為錦衣百戶世勿絕平生喜為詩文所
著有南華集妻程宜人扶柩至
于家亦不食死同祀忠愍祠

江珍

字民璞成化甲辰進士授高安令課最第一擢禮
部主事袁州專政珍請南得車駕司主事遷守廣

信楚首叛闕佯歸浙督府將掠廣信珍策其必反急
勒兵戒嚴首乃轉掠他郡累遷叅政浙江會游民據
銅山出破婺源且掠歙珍亟請督府發兵要其歸路
殪之因錮銅山論功錫金幣按察江西進雲南右布
政使尋轉貴州左
布政使引疾致仕

趙驥昌

字世隆清苦好學以文行著弘治元年舉脩憲
廟實錄每歲郡行鄉飲皆賓禮之為鄉先達所
重

李仁

字一元弘治壬子領鄉薦除道州同知課最遷臬
州府通判奄瑾持國柄賦役繁興仁日殘民奉上
吾不忍為也坐逋貸罰米民間爭
輦輸焉遷知州治卓異州人歌之

畢元

字永春郡城人父可浩蚤世事母項以孝特聞嘗
販粟山東時大饑舟艤臨濟遂治竈數十設糜粥
以飼之既而就食者眾幾相蹂躪更與民約日若聚
東廂人給斗粟從西廂出可無爭矣饑人德之郡守
王問彭澤賓躬引以為重晚年小築秀野庄商文
毅手書題門因號秀野居士卒之日遠近哀慟

程轍

字守之一名仁弘治壬子領鄉薦授華容令時邑
通貸積五年督甚急仁集父老謂之日令為政當
緩催科顧若等食土之毛奈何為父母累乎當賦外
有責令自當之民感其言課先鄰邑完以忤奄瑾罷
瑾誅起為永興
今上疏自免歸

孫忠顯

字良輔嚴鎮人弘治癸丑進士授大理評事多
所平反常奉命審錄浙江紹興有饑民求賑所
司坐以劫官糧罪忠顯訊出
之全活甚眾陞左寺正卒

程瑄

字德和弘治丙辰進士授南戶曹即領司農庫部
司農泉帛樵薪役錢諸費別藏應天府帑者以六
萬計瑄至適得隱沒官四千緡再筦度支一歲儲詹
贏行權北新關稅清理屯田皆以廉稱出守泉州不
尚鷹擊毛摯之治

程材

字良用弘治丙辰進士司理江州治獄有聲召試
御史首疏劾尸祿大臣二人臺長戒試御史不得
言事材曰試御史非言官邪武宗即位上疏劾閹尹
馬永成谷大用劉瑾輩竊弄威柄疏入不報以疾卒

歿三年劉瑾追論往疏徙其家海南嘉靖初召還遣
官諭祭于默然皆鄉魁所著峯山類稿三禮考諸書

吳遠

字淮明嚴鎮人弘治丙辰進士授莆田令值歲稔
多盜遠至課農桑固封守振民急以其暇程試弟
子員親為授業凡學舍橋梁郵館皆治不費于民累
官黎平守黎平民雜徭墮喜弄兵遠招弟子教以禮
讓人吏彬彬治郡九年

致政歸卒年八十有八

張芝

字廷毓弘治丙辰進士授大理評事數上書陳國
家大計多見施行閣瑾顯國芝言事極詆之章適
上芝已外補丁外艱起督學廣西會蒼梧猺獞反監
軍計之猺匿溪穴中以計盡其矢石舉種就俘尋以
疾乞休不許擢荆南副使命下卒無子所著擬聲音
經緯書易講章草經世續卦大理廣西諸志奏議詩
文若干篇

干篇

吳漳

字清甫弘治己未進士治胙城縣一日出見沙霾
中有兒捧頭跪訴漳怪之夜退食夢有陰兆未山
之名者果得其人置之法擢御史抗疏論逆瑾不報
以疾乞歸後起赴部聞瑾頽恣即旋舟瑾恨之除名

為民罰米三百石瑾誅復起巡按北畿劾巨惡豪民
 因緣闕寺為奸者陞山東副使河決黃陵岡崩二埽
 曹民患之漳殫力鳩工且齋沐告天水南徙復故道
 河乃大治時有十美之詠會啟事擢都御史書上卒
 唐澤字需之槐塘人弘治己未進士令平鄉邑苦水患
 諸法吏逢瑾為淡酷澤持法獨平瑾意忤矯詔跪午
 門外一月出獄畿輔按瑾黨竊中丞不法狀疏入禍
 且不測會瑾敗得免轉閩憲攝海防洋寇蕪世浩义
 出沒海上往勦擒浩降其眾七千悉縱還業不逾月
 海上平尋會楚粵兵平南靖按察浙江治行為天下
 最收憲陝西平樊紳等諸劇寇擢都御史撫甘肅甘
 肅舊有哈密城為土魯番所據叛順不常朝議欲發
 兵其仍藩哈密澤抗疏謂鹵釁未可橫挑孤城難以
 徒據不如姑存哈密繼絕之名實取土魯番效順之
 利世宗聽之詔得便宜行事以番數千入寇痢疫大
 作諸將請乘之不可曰此吾攻降其心之會也為遣
 醫盡起之而親提兵與之約戰鹵望風解甲稽首誓
 曰唐太師實生我我何忍叛所天自今西人不復反
 矣相率內服悉還所侵哈密城澤益發卒耕屯邊近

莽地儲粟至千萬石規善後凡六事報可著為令先
 是大司馬彭澤畧哈密有失要人意欲中傷之微知
 司馬守新安時以眾人遇澤甘肅之委實假手焉澤
 夷然力為昭雪要人終抑澤遂卒涼州詔贈戶部右
 侍郎予葬祭謚襄敏所著有南岡集
 南岡奏議定西錄宗祀名宦鄉賢
 鄭泗字子魯鄭村人性端慤母病歷醫不効禱于北辰
 求以身代母病尋愈後父母俱喪廬於墓側寒暑
 不輟紫芝生在旁白兔馴遶
 墳而走人以為孝感所致云
 李士景 衮繡鄉人事父母以孝稱家貧力農以養母陳
 邁疾累藥弗治景焚香告天刲股作糜以進母
 疾遂愈

趙德相 嚴鎮人聰俊端厚年十五教授于鄉善屬文工
 詩有清德所著有復齋遺藁一時相傳誦云

吳紳 宇佩之澤富人親篤孝處昆弟友愛貧者賜之
 士類多所造就歲當貢推讓友人後十年乃貢歷

承福 襄陽教授子守
 教守蒙並領鄉薦

曹淡 字文淵時逆瑾擅權淡以進士率同榜百餘人撫

授南京兵部主事以同門友之喪感傷而卒

于明 字清之新安衛人嘗捐貲助造儒學置名宦祠田

及孫彭二太守祠田置于氏義塚城東七里坦請

凡義舉無不趨赴邑人德之崇祀鄉賢長子應承襲

千戶四子允忠繼忠肅公後以蔭襲錦衣衛指揮使

汪溥 巖鎮人祖用本孝行著聞溥亦孝成天性母丘氏

嘗病篤溥侍藥不解帶每籲天願減已年以增母

壽又割股作糜以進母病愈

汪本 字以正西沙溪人十歲能詩稍長治博士家言遊

麟種也舉鄉薦越二年卒

何勝 字斯復性至孝父早卒母江氏守節撫勝成立蒙

病勝上疏乞終養歸後母染暴疾勝齋沐

告天祈以身代母遂愈勝竟以憂瘁卒

朴素 新安衛左所鎮撫幼孤事母極孝年六十母喪

問政山去家十里素每日至墓泣拜雖雨雪無間

汪祚 字承之少失恃事父盡孝補郡庠生博通經傳父

歿居喪過哀奉繼母撫繼出弟妹備極友愛事叔

崇禮如父所著有寶經堂藁及崇孝編

畢陽 在城東北隅人幼以孝聞父卒泣血幾喪明迨後

遠出依依庭前見祀孝子祠

程孟 字文實槐塘人性誠樸力學嘗以諸程自唐以來

莫能相通乃遠者走書近者親會為程氏諸譜會

通五十卷外譜二卷世終事實源流錄十卷及明良慶會錄三卷所著有槐頻集

方廷璽 字信之嘉靖己卯舉人令山陰其地近海綠閘

堤益注填闕之水以溉鹵地歲旱多堽廷璽禱于神蝗不為災有南岑稿行于世

黃鏜 字德鳴領鄉薦令蘭谿有政聲擢廣東道御史奉勅行邊時武定侯勛有寵而恣鏜欲彈劾之語泄

會撫臣張漢師失律鎗將按其罪為漢勛先事中傷
竟謫浙江按察知事勛敗進南刑部郎致政歸子應
坤亦為御史

鄭燭

字景明補郡弟子員遊鄒東郭湛甘泉之門貢入
成均四方宗之登笈雲集嘗弊衣糲食或有擬先

輩遺行發人隱者強質于燭燭徐日一何論及此但
學其善者足矣選授河間府判官如故暇則進諸生講

出納便軍民改辰州府判官復移官以父喪奔歸時年已
六十哭泣哀思踰年卒祀鄉賢弟燭字季明

與兄燭自為師友克承家業子懋堪世其學

畢文璟

上北街人割股愈母
郡守彭澤旌曰克孝

洪什

字承章洪源人少穎異父璣與尚書恭靖公為羣
從母黃氏二十守志什雖服賈多著述會母病自

楚心動趣歸醫禱備至後廬墓三年年四十有二疾
三子自四方不期皆至得奉含飭人以為節孝之報

嘉靖間汪司馬道昆有傳山人徐渭王寅輩
有詩學者稱為金竺先生人孝子鄉賢二祠

方道貴

羅田人子姓科甲蔚起實貴風勵之所定家商
儀則諸望族奉為式後貢為宣平訓遷安仁諭

所歷造就居多
著有羅泉子集

劉輔

新安衛指揮使善射材勇絕人正德已卯宸濠叛
兵入衛輔領軍禦之戰于婺源之五店輔身先士

卒發矢射賊賊驚走賊去再戰輔血戰不退賊羣攻
之斷其左臂猶揮刀殺賊一人而死事聞朝廷遣官

諭祭陞襲都
指揮僉事

張璽

字國用新安衛指揮僉事母陳氏危病璽割股療
之疾愈正德已卯宸濠叛兵入徽璽領軍過戰與

本衛指揮劉輔俱死事聞朝廷遣官
諭祭錄陣亡加官一級指揮同知

張仕鎬

字景周正德辛未進士除廷尉評事時有冤獄
仕鎬片言折之一時稱服武宗南巡仕鎬抗疏

諫止廷杖謫南京刑部照磨嘉靖即位
詔復原職出守廣信陞浙江按察副使

唐濂

字景之襄敏同胞弟也正德進士太常博士擢御
史以澄清天下為已任居臺中三年章累百上指

切時病權要無所撓持節湖湘振綱肅紀旋按江西先是居臺時業察宸濠有異謀會密疏之至是遂兼程赴官誓以身殉中途聞母訃不果行深以不及與孫許之難為歎卒年三十六伯兄溥賢有其文濂與仲兄澤皆所造就

唐阜

字守之號心菴嚴鎮人家貧嘗以年家好謁潯陽守贈百緡途次知同行友窘狀愴然罄持贈為婚

養資竟垂察歸又詣學宮支額廩途遇鬻婦償責者哭甚哀悉解與之夫婦獲全正德甲戌廷對第一丁丑同主禮闈得人為多武宗升遐頌詔朝鮮展讀悲慟王及陪臣以下皆感泣宮侍講學士多所啓沃臨終猶進講君子小人章詔賜諭祭先是大禮事起諸臣競攻張桂阜為廷和讀卷第一人乃因廷和子慎請日張公不為無理但當擇其可從者以慰上衷其能執其必不可從者以安孝廟耳廷和曰卿言良是何不即以此意疏聞上乎阜退草疏上之尋而廷和去言者斥幾空事惟上所為即太廟一節張亦不敢諫乃嘆曰使楊公當日用唐侍講之言留餘勇爭此則吾輩當助之乃今悔無及矣所著有心菴文集史

鑑會編韻府增定諸書孫

一羽工詩崇祀兩學鄉賢

鄭佐

字時夫正德甲戌進士授南刑部主事數讞決疑事廷中稱平改祠部奏立新安朱文公後博士疏

議大禮又極陳後殿災變之由出為福建按察僉事尋兵備饒州前後誅闖饒宿寇將遷本省叅政執政以前議禮心固欲黜之及冢宰上副封執政愕曰朝列中尚有某耶遂徙叅政貴州乞解職養母歸朝士累疏薦之不就

趙時勉

字誠之嚴鎮人正德癸酉領鄉薦就選京師上時政三十事知武城歲饑民流勉大施寬卹之

政盡心勞來泣請監司入疏除民租之半省厨傳費歲數千緡崇祀名宦鄉賢

方音

字舜和嚴鎮人常喜禁方賈淮陰見書生孫一松幾死贈以錢不告以姓名生私問從者識以去音

適越相遇諸途生跪拜邀至家謝以金不受乃出秘方授音術從此入神唐太史阜未第時苦食貧音常典藥籠資以卒歲太史既貴每里中折柬相招非音祭酒不往歿為立傳子一誠世其業至今一門無

非名醫云

許鈇 字德威東關人少業儒從季父汝弼賈吳中季初

遂誣鈇侵季貲鈇不辯割橐授之嘗有少年惡其諷

已面詈之第笑謝掩門避又破門入鈇笑曰是恐我

不聞遂延之坐移時日渴乎進之茶又脩極侮辱鈇

獨夷然後少年自愧肉袒謝所著有學言六卷祠規

宗譜若干卷後以子國貴贈光祿大夫柱國少傅兼

太子太師吏部尚書建極殿大學士特賜諭祭遣官

營葬崇祀鄉賢祠

汪堯卿 字岳仲潛口人正德己卯舉人通判吉安莅政

為平反轉雲南潞南州知州父祥中成化丙午科

舉人以父年老終任不復仕著有太平逸叟集

方紀達 字行可正德丁丑進士令南豐襄陽皆以廉著

欲中以法不得其短調廣西按察僉事南寧

府志明朝名宦第一以恭議終無資以殮

唐仕 字信之十歲問父曰大人不仕何以兼善天下乎

父嘉其志遂命名仕正德丙子舉于鄉授福安令

福安俗故簡陋任至首興葺學宮銷淫祀像為文廟

禮器廢白蓮禱堂為書院射圃創醫學藥局諸凡澤

民之政咸次第舉聘充本省試官元魁皆出其

門遷景州守不數月以親老請告景人思之

黃約 字會中教授吳中弟子出門下百餘人嘉靖壬午

領鄉薦除廣信推官調黃州別駕清白多善政大

其義舉施諸政足乎已推以澤民可以為文矣

鮑燦 字時明棠樾人讀書通大義不求仕性至孝母余

書夜吮之十兩足俱病疽醫藥經年不効燦憂不去

表其堂嘉靖十三年禮官議旌典奏可後以孫象賢

貴贈兵部侍郎

程旦 字孟明嘉靖癸未進士授戶部主事督明時坊三

使時議征安南陳十餘事言中機宜及遷浙江布政
使民數百人號泣攀車追送未之任卒所著有蘿山
詩集滇南雜錄且制行修整事不畏

程

鐸字子木領鄉薦授廣州府倅時征安南兵與槍攘
難孝廉方正之行尤為鄉里所稱
藏無名錢萬餘緡攝事者以啗鐸不聽為疏其始末
立法以防侵牟新會令不善事上官被斥鐸上其賢
必復其官乃已竟

許

瑄字伯和嘉靖癸未進士除輝縣令持官廉正挾豪
猾置之法境內肅然調臨海歲凶發廩設糜多方
賑輯全活甚眾擢戶部主事權淮稅積羨錢
數千緡歷官湖廣叅政議征苗不合免歸

程

相巖鎮人三世雍睦至相已數百餘指同慶不改嘉
靖丙戌撫院陳鳳梧召見慰勉命郡守鄭玉手書
百忍遺風四

程

邦儀槐塘人先世有吉壤子孫二支議各葬四塚其
長支富而橫基之不與葬次支不罕竟遷祖柩

程

邦仁卽邦儀親兄見弟死于佐誓死以報本肥不耐
步履每日負襆被身挂二尺竹筒盛水漿于中
庭疾驅百迴約三十里乃止日以爲常人疑其爲顛
久之遂健行聞沈東出爲郡司理乃徒步走燕邸訴
弟冤沈初疑及由燕抵徽具悉其狀心甚哀之遂閱
故牘出邦儀屍檢勘邦仁撫屍一慟竟絕是日觀者
千人哀聲慟山谷沈雪其冤卒論

汪

佐字汝賢領鄉薦判南昌在郡八年民歌日前有梅
公福後有汪萊粥遷九江倅會南昌水民叩部使
庭留之乃緩刑已責捐俸爲倡富人出粟以賑民忘
其蓄明卒輸殿材于京師疾卒弟伊舉進士官順昌

次系志

卷之九人物

是

太守

鄭懋垓

字文升燭子也補邑諸生有盛名十餘試于鄉不售退從先哲遊復倡六邑之會講明心性至

易簣不亂居恒教授生徒貧者不責其贊尤多所賑急撫孤如已子遠近稱之

何澄

字應清在城人出繼族叔進士勝勝卒有爭繼者澄推讓田產無所取惟歲時修祀事不怠後領鄉

薦蚤歲母疾革夜私禱割股進母得甦時稱其孝

江濟

事母至孝仲兄為仇家所構幾陷大獄濟慷慨曰吾兄寧殺人耶直死睡毗耳不憚煙焰力白之事

漸解家徒壁立每語子姓曰吾家上世孝友相承但得吾兄足矣

程烈

字惟光登鄉薦除工部主事榷木于杭以廉稱故有中官鎮守歲出數十金付關僧和市實鈞取之

誅求數倍烈列其狀于部自是斂跡烈懷大志作奏數千言未上卒著有水部集

吳龜

嚴鎮人與兄鼎弟珊客黃州泉夜格殺人誣鼎吏捕之急鼎不知所出龜曰兄年高未有子弱弟老

母所憐不可死獨龜子已長願代兄以塞禍遂請吏就繫鼎寃之求直不已龜謂曰空自苦必無生望不若保餘資善事老母撫弟姪立門戶母以弟為念也其夜具衣冠自經死州人傷之白於府即獄中棺轉出以禮殯之

畢錦

與弟效欽皆以春秋起家尚書殷正茂輩皆執弟子禮錦未遇時乞夢九鯉湖得句云紅葉燒丹火

青山列畫圖後以衢司理轉倅萊州一日謁老君廟見柱聯則夢中句也時嚴嵩子世蕃以賄鬻官錦肅然自遠因得罪遂投檄歸工書

法人家有藏者寶之如拱璧

畢效欽

登鄉薦判南昌閩廣巨寇張蠻流遁鄱陽湖欽請兵于胡中丞擣其穴殲之以內艱歸服闋而

中丞已劫僅補撫州當時謂賞不蔽功云

趙舜卿

字子良幼穎敏博學父閩清令同庶母卒于官計聞哀毀骨立往奉二櫬歸廬墓側兄瘋弟幼

友愛甚篤敦睦宗黨郡守來公旌以孝義

吳榮讓

字子隱溪南人性至孝八歲父歿於楚甫十四出尋父骨舟覆鄱湖綠木獲免抵襄陽得父骨

藁葬識之有貸戶焚其券囑為守塚越十年再往

喪建宗祠置義田義塾卒年八十有六汪太函誌其墓王弁州為之表曾孫孔嘉天啓進士廷試第三人

疏陳節孝特詔褒美建坊旌表祀郡邑鄉賢

江文嵩

在城人內行醇備親年八十有九自幼至長侍養未嘗一日離事兄友愛老而篤蚤歲失偶竟

不再娶卒年八十有餘縣令劉伸旌其門

王世光

嚴鎮人天性孝友父脩業湖陰世光同弟世祿世美治經尋領壬子鄉薦仲亦為邑諸生父歿

季罷制義為賈居于湖陰弟兄倚仗終身無間

程宏

字時大槐塘人性孝友不與胞弟析箸功總之親百口獨持家政銖錢寸帛不入私室以孫鏊貴贈

中大夫

朱子俊

潭渡人母方氏二十一孀居辟纊以養翁姑子俊為遺腹天性樸茂賙濟宗黨施棺具母病割

股為糜進之隨愈鄉里咸稱其孝

方鏞

字允聲登鄉薦令宜黃自言當官三事吾性庶幾近之以奏最徵當為御史以疾卒于京邸

張祐

少事繼母孝長刻苦讀書弟子從遊者眾祐端模範講授經義諄諄竟日家故約異母二弟貧不能

存祐給之終其身

汪燿

字汝晦少孤母病朝夕籲天求代拜且泣忽有黃蜂入衣頃亡去燿訝之拜泣愈力母病尋瘳一日

見牆下蜂窠人欲去之燿不忍夜自躡視告旦日巢墮蜂遁獨一黃蜂伏礎如叩首狀似向入衣者其後

舉子墳增培孝友如父郡邑咸欽焉

吳球

字鳴夫在城獅山人治易為博士弟子督學使者廉其行屢旌異焉居家以四禮倡其宗人月朔望

合少長班坐庭中勸善規過以執喪哀毀卒郡守余勉學遣祭之

吳樓

字用觀在城人御史漳子邑諸生性醇謹初樓在
孕時母封股療其父以故樓生甚孱樓每念及輒
泣下母病衣不解帶數月居母喪未葬廬柩側迄封
兆後始歸伯兄病數載日造牀第視膳不少勸嘗遊
滿南其泉之門得理學精奧著
有四書大觀抄周易貞一便覽

程嗣啓

字汝光槐塘人早孤事母孝素無機心初為中
賈得息錢悉以奉母久之累數百緡乃作一室
均二弟居焉遇乞貸施濟罄橐多寡口不言人過從
弟貴為司重疏屬人向司徒干澤啓獨否司徒甚莊
之

潘侃

字惟和巖鎮人善天官書徧交名流嘉靖辛酉鄉
薦令光澤經流賊之餘凋敝已甚堂治傾圮侃囊
帑數百金佐役更建之政稱平獄無繫囚復創津
梁以便民民至今尸祝遷汀州府判首革糧長私餽
千金以償逋稅兩臺交薦以老投劾
歸行李惟古書奇石而已年九十一

李英

字子和槐塘人邑諸生美丰姿善言論慷慨好義
嘗讀書濡須謁比部解友人之難說軍帥禁苗兵
之擾試南畿適倭警城閉應試千人望門錯愕英大
聲呼司城與語司城悟啓鑰令英殿千人入都人士
避之後遊溧陽客死從弟仲明字德遠為邑
諸生闡明理學務在躬行貧而樂士人稱之

江昭

字希賢郡城人人事母至孝母病中夜稽顙北辰祈
以身代母病中若聞香氣疾遂瘳嘗以母命入山
視茗有虎咆哮而至昭神色自若徐云
昭身無足惜柰老母何虎俛首而去

汪泰護

字本亨稠墅人家故饒勇于為義初年操貨賈
比陵值歲侵出穀大賑後里中饑輸粟六百石
郡守李公申
請賜建義坊

江來垠

字本初在城人垂髫應童子試作背水陣論邑
令奇其才與郭西黃雲龍同領鄉薦俱以古博
受知為楚鄴令從直指游衡山代作朱陵洞天碑文
古輿幾不能讀識者謂此石立色映岫巒矣祀南嶽
倣騷製迎神送神諸曲至今歌之與王元美汪伯玉
詩文相頡頏頗性喜韜畧宰鄴時平藍寇定楚藩鷺洲
之變猛蠻逼處嘯聚山谷單車入其地化誘累日擇
其子弟置之膠庠蠻不復擾年八十餘撰著有桃源

集彙存
于家

程昇 字啓明臨河人任俠博學嘗登金山見溺者亟出金募身死拯之又倡築雲間護西堤屋至今爲利

子金舉進士所
至著水彙聲

吳貞美 溪南人性至孝年十七母患心病劇夜半籲天封股進母愈股創亦平病疽恐憂其母諱疾卒

項鏞 字大聲西安左衛經歷素精兵律二書督府方亟河套鏞上趙充國留屯事宜以爲須徐圖之不用

尋陞沅州判官甘妹二苗交擾方在約結未堅鏞勸督府張任宜用李愬平淮西策一鼓擒之屢立戰功

陞武岡州同知沅民立祠
祀之冢孫際明舉孝廉

吳希周 字汝旦性慈仁冬月携縑絮而出見凍夫卽招而與之領鄉薦數不利于公車年將艾遂養親

終身弟希召字汝真弱冠卽當戶希周性好施諸義舉皆取給于召而召一切給之不倦

許禾 字本中東關人性好義嘗建宗祠置義田義舍義塾義塚禾弟穀負志畧嘗上十三策謁守令尤急

者三事一城歛一置監司一練材官守令壯之無何倭寇起數十衆突入界穀奉太守陶公命守東門縣

令奉母入城穀不卽啓要與成城得其堅誓而後許賊由間道遁而城議興皆穀功也

唐汝龍 號一羽狀元臯冢孫也郡諸生少有豪氣吟咏自得凡盛唐諸家靡不探討而以李爲宗頃刻

數千言與王十
嶽輩結社天都

程嗣功 字汝懋嘉靖丁未進士初令武康三年僅論徒一牘歷官浙江叅議累進廣東右布政使時古

田羅旁諸賊作難督撫殷正茂用軍與法誅之嗣功主轉餉師至宿飽當入覲權府庫而攝之丞吏倉皇

白失金功色自若已而得金以告功色自若吏退而服尹度如裴相國進南京戶部右侍郎總督糧儲洞

晰利弊上五便事上嘉納
之繫爲令卒年六十四

許巖保 字景瞻有人倫鑒能識宗人許文穆子未第性直諒樂善好施葺路建亭不遺餘力府造萬年

橋巖保輸資三百緡有
司聞而賢之舉賓鄉飲

畢鍵

字汝樂善屬文尤長于詩十六補博士弟子員念父久客清源獨往迎以是日至清源父亦自京師

至同詣居

停人咸奇之迎以是日至清源父亦自京師下家遭回祿鍵自外來火勢甚熾度母每據床褥呼曰

奮不顧身

忘家救我乎晚年以明經謁選時分宜當誰肯舍身忘家救我乎晚年以明經謁選時分宜當

國慕鍵詩文

禮招之鍵顧謂其仲子曰焉有勢焰如此而不敗者乎分宜欲為選武學漸移國學鍵自請

于選郎以多病

不習北方水土得附近授金華訓卒于官以孫貴贈工部左侍郎

王積

病痿積與妻陳蚤夜提抱及成立為娶婦又蚤客死積歸其喪撫其遺孤年六十

汪道昆

字伯玉號南明千秋里人嘉靖丁未進士除義烏令夜夢練衣人懇簾下詰旦里正以婦自經

告曰夫非衣練者耶窮得其情抵法境內驚為神明

歷武選司郎中時李攀龍王世貞徐中行皆守曹郎

以詩文相唱和無不爭下昆出守襄陽多惠政尋擢

憲副備兵福寧悍卒擁脇開府莫能支昆遽馳入軍

門戮首事以徇一軍皆肅壬戌倭據橫嶼島沿海城

堡相繼陷全閩大震昆走浙請授督府胡宗憲檄總

兵戚繼光將浙兵八千人往于是昆主畫策繼光主

轉戰設奇制勝沿海諸賊壘次第削平馘斬六千餘

級奪回男女輜重無筭幕府上功賜金綺者三超擢

按察司使特勅護八閩軍事旋晉右僉都御史開府

八閩海寇劇賊掃無孑遺卒中忌口請告歸隆慶庚

午起撫鄖陽旋遷副都御史撫楚晉兵部右侍郎閩

視薊遼裁革兵餉冒濫歲省二十餘萬轉左侍郎其議輔兵疏尤切至計時江陵奪情當國遂終養所著

函子行世祀郡邑鄉賢

程鈞

字子重東關人幼孤天性孝友母疾廢食寢謹醫

族貧乏會同弟銘過梅許得遺金遷宿還之郡守董

公奇其義禮以三老之禮長子敬嚴上林苑丞當稅

離時諸商避匿獨正色談利弊商胥藉安次子敬弘南城兵馬秩滿得贈其父遂賦歸

畢刃道

字弘卿贈太常寺卿鍵季子事父至孝父卒友事仲兄出入與俱兄病刺臂血和藥進又徧禱

于神願減已壽延兄視族事

程嗣烈

槐塘人少司徒嗣功季弟以計然術累鉅資悉

願交驩季謝曰吾何敢因貴人易吾野服及子道庠

舉賢書客請易田問冠笑曰曩不為兄貴易乃為兒

子輩易耶武陵龍司

理議旌力辭乃罷

殷正茂字養實號石汀嘉靖丁未進士擢兵科給事侃

疏其不法貴戚竦然適上有事齋宮祠上帝正茂與

諸科臣言贖祭非禮執不進香俱杖于廷尋補廣西

提學副使振厲士節除雲南備兵艱歸起湖南驛傳

遷浙江糧儲叅政陞江西廉憲屬廣西徃破

慶三年特設開府專事征勦擢正茂右僉都往討破

巢盪寇斬馘七千有奇捷聞進兵部侍郎蔭錫有加

五年總督兩廣時倭陷錦囊電白而山海徃狼諸賊

竊發所在騷然衆議且棄潮惠正茂分布攻守次第

削平擒斬俘馘五萬餘萬曆元年大捷陞右都御史

二年再提加兵部尚書三年改南戶部尋晉北戶部

江陵奪情陰使人以太宰缺陷茂為九列保留疏首

茂嘆曰吾寧失一時毋失後世請告家居後起掌南

刑部二載乞歸又十年卒

胡之憲東關人年十歲同姊玉娥年十三見母江氏病

救吾與姊盍圖之遂拈香告天剝肉和粥以

進母病遂脫巡按以其事旌表雙孝之門

方弘靜字定之巖鎮人嘉靖庚戌進士分宜為政雅慕

忤權要歸田四年起補南京曹郎叅濟南視學粵西

尋轉江藩分宜父子以怙寵敗使者治其獄有所波

濫靜白之並具衣冠葬故相人嘆為不可及既持節

入浙時故少保胡宗憲新得罪議者苛求濫費士氣

情水戰餘艘俱廢閣乃抗疏謂去冗不若增備增備

不能惜費朝下其議於是大脩艤艦習流飛檝諸將

米山先生年九十有五卒論
祭賜葬贈南京工部尚書

胡一相 東關人母方氏病相年尚雅勤侍湯藥願減已
年以增母壽母尋瘳後數年母病彌留相夜默

禱于神割股和羹進母
復蕪撫按棹楔表其閭

羅灌宗 字克澤十四而孤兄弟三人分財不受曰我童
子寡取之年且長雅意四方過真州值歲凶為

散囊金周急甚多後買妾父持之泣即折券還奔助
之金象有倭警率好義者城東門樓櫓俱脩母卒居

喪盡哀泣血骨立以子應鶴貴封
福建道監察御史卒年七十八

程金 字德良嘉靖癸丑進士主南京筦庫奇羨俱籍之
大司空使人引例索羨金不與分司鑾江關要人

援權相勢趣關扶吏金箠其長年狗於市時徵蠻用
師海上有豪賈習蠻酋逗真州捕航載兵因緣為市

居人大擾金擊治豪賈其鄉貴人為請不聽後京察
貴人與司空中之左遷安吉州量移河間科臣首薦

金廉吏入為司農郎累遣守漢陽發楚藩外屬王三
奸贓二十萬江陵奪制歸起私第使人托漢陽市木

金諭命自揀試士即以食稻衣錦齊宣短喪語命題
遂投劾歸長沙漢陽俱祀名宦年八十卒繼室宜人

劉氏死焉詔表
清烈祀鄉賢

程時望 字元道槐塘人甘貧勵志凡學儉必分助伯兄
撫孤姪從錢洪甫聞心性之學與名彥講論福

田斗山邑尹劉廷梅少
許可重其行薦入郡庠

方良曙 字子賓嘉靖癸丑進士授工部主事權木荆州
關吏兼請筭舟充額良曙以受命權木不聞權

舟不許額既溢乃罷兩月告緡恤刑畿輔釋三冤獄
嘗傲長垣故事治河河不為災後轄雲南以積羨金

鉅萬濬昆明池溉民田又築晉寧一州城遷南大京
兆歿祀鄉賢子一敬順天亞魁為閩泰寧令慈惠著

聲以疾
乞歸

程道翼 字子羽槐塘人以廩例入成均屢蹶不售退而
修古文詞為汪司馬道昆所重少失怙事母曲

盡色養兄死多所逋責翼慨為代償撫孤姪為之婚
嫁會出為叔後資業甚盛翼竟却去第為存祀有婺

娣無倚贍以終身有族子夷于下隸捐金贖之所存惟焚餘集

程道東

字震伯嘉靖己未試春官擬置進士第一主者引嫌遂魁之授工部主事奉詔營景藩之宮還治河有績出守淡州又倅青州以治海功遷南戶部郎後出守滇中以親老告歸性孝友沉涵理學士林

宗

方頤靜

字敬之巖鎮人年十二郡守鄭玉奇之補弟子員歲當貢後先再讓知交三貢而後授建昌分教署南豐篆大有治聲以石城教諭歸弟為少司徒頤靜操守自若居家不入公門不輕竿牘賢守令皆式其庭兄敦靜字性初與頤靜俱蚤知名監司每謂人曰徽郡方生茂異絕倫南土之秀也

洪克宅

字國禛桂林人奮取與簡言笑往總制梅林被建眾詐其子索暮金克宅謬存而壁之

程大經

字汝正槐塘人年十六以父蚤逝不獲卒儒業篤愛弟大賓資之成均秋遂捷先是彥弟捷獻題皆事君句丙午孝者事君丙辰事君以忠兩符云資讀佐廉六十年如一日母望百歲執喪時齡已踰

七猶不廢禮朱黃二直指以孝友顏其門郡守陶延以賓飲仲子子諫季子子諒並列賢書

賀鐸

新安衛左所千戶嘉靖四十二年三山洞賊為亂殺掠婺歙勢甚猖獗鐸承監司檄領衛軍往禦之鐸曰此輩肉籬祇馱馬足耳何能為乃悉家丁誓死戰眾響應從之子湘甫十二歲已能騎射亦願從之

一鼓而前賊為披靡明日復出祥敗引至洞口伏發悉為所殲湘乃走洞中以譎得不殺逾五旬大軍壓洞賊悉眾出盪湘尾之而出賊為官軍掩殺殆盡無一生還湘徒步從官軍還至將上其事陞三級指揮

使世

襲

王應楨

家故富善騎射引強嘉靖乙卯倭裔竊發應楨從征每戰把大刀開戰道試補揚州衛通州所

百戶後為真以功陞新安衛指揮僉事丙寅流賊千餘突犯婺源告急同知張子瑞往收賊應楨從請先

嘗賊諱朝蓐食抽戈先衝擊賊首賊悉眾圍之應楨殊死戰身被二十一創交傳刃于胸而死太守何東

序上其狀詔蔭子為總旗官是時武舉人王欽被獲不屈解體死婺源立雙忠廟

王詔 字惟綸先世燕人明初功授衛鎮撫海上寇起楊
 督撫募承順保靖土兵召為募兵將軍因選得勝
 兵萬人用礦徐海僉書蜀中值蔡百貫為亂平之龍
 州土司宣撫薛兆乾以境叛詔冒雨雪破明月關伏
 兵破龍川城乘勝擒之超拜龍州叅將支羅土寇黃
 中界楚蜀間時出抄掠兩地交病楚議撫而詔主勦
 陰約內應密入伏兵黃中伏誅特拜驃騎將軍總松
 藩兵事尋中忌者投劾歸子文元襲事事有父風官
 至馬蘭

副總兵

程大賓

字汝見槐塘人嘉靖進士授吏部主事時分南
 北考察所毀最無不當太宰胡莊肅甚重之擢

廣西副使繕甲兵嚴巡緝境內肅然督學滇南學政
 一新正張尚書馳甬道斥李少宰媚子求金與黔國

抗禮各重公卿交章薦之以母
 年九十告養歸卒祀名宦鄉賢

程周

字希旦號紹會庠生父曉病周割股作糜進明年
 族入歎周利其產乃誣周殺父周自分捨親自已

雖生猶死幽狂狴者三年適謝侯會審孝子獄登場
 風雷大作及開棺天日清朗周父死三年容貌如生

謝侯乃鼓樂導送歸德行
 著聞考選德慶州州判

管懋光

字子謙徐海與王直魁雄海上府葉熒惑其間
 葉眾不如徐王而悍捷絕倫能躍空數丈行水

底數十里胡督撫欲誘海七葉乃剿海而擒直海業
 已入羅龍文間而謀弋葉羅往客于齋會見懋光兒
 時至是密引于督撫密謀而出偕詣海海因與懋光
 約于是設宴迎葉葉擁大艦勁眾來赴已至燒燭乃
 為脯陳賭酒葉方出拳懋光從後挽之一曳仆地即
 有一如葉裝者起登席五十步燭影中葉眾不辨也
 葉方仆懋光斷其一臂擊小舟載以飛行部下悉降
 時懋光年方二十五歲其後襲父職胡督撫罷歸且
 歿僅官把總

歿于劉家河

凌瑄

字惟和嘉靖壬戌進士司理南安巢賊自廣東突
 南安瑄勒兵分哨追殺渠魁從御史至會城釋平

民李貴等誣盜之獄尋擢御史入朝遇諸瑄不少為
 禮法清平伯之叔吳三買婢事百戶王桐隨權瑄鎮
 陝瑄敗桐鞫賊淹獄至老家產盡絕瑄疏放之朝審
 柄政欲釋都御史路楷嘗黨奸陷殺沈鍊瑄持不可

直聲大震會邊警瑄巡視東城見大璫親戚來偵必執鞭之出為福建僉事參議河南提學貴州參政四

川一有廉能聲按察陝西上疏乞歸子堯倫官金華倅有父風焉

江應晴字季明即應曉之弟初為杭州府諸生以不得志于主司有裴華沙塲之意會胡督撫戡亂海上而應晴應募軍前贊畫屢立戰功擢游兵把總其

後敷歷遼東兩廣積功屢陞至新安衛右所正千戶准世襲萬曆二十九年浙江統督舟師出

洋防汎患瘋瘴而歿其孫玉成襲祖職焉許國字維楨號穎陽嘉靖辛酉舉南畿鄉試第一乙丑

朝鮮適國王新薨河城君松攝郊迎禮國以松未嗣位不許因為酌定禮儀令松稱權署國事用世子冠服奉先王靈帛行禮禮成而還饋遺一無所受朝鮮

服其清正勒碑以頌陞右春坊贊善時進講託事獻規上每悚意聽之手書責難陳善大字賜焉丙子秋

典順天鄉試稱得人戊寅選南國子癸未春典會試夏簡拜禮部尚書兼東閣大學士己丑春再典會試

時文體寢壞國所錄粹然一出於正庚寅冬以三事進規其一皇太子冊立事上不悅遂上書乞休者

予告給傳歸國初在館局為張江陵所器江陵父病朝士醵禱國不往尋以奪情留國持削牘藏袖中詣

第密勸行服即見忤終不告人在南司城久不調上問許先生安在始召還累官至光祿大夫柱國少傅

兼太子太師吏部尚書建極殿大學士居政府九年代祀先師孔子二正獻南北郊三誥贈三代任子

卒贈太保謚文穆著有文集二十卷崇祀鄉賢祠吳天洪字元卿嘉靖辛酉魁南畿少苦繼母克盡孝養

初授建陽令下保民十二條邑以大治尋補淳安令淳固界歛一絕私交又為建長生樓浚聚祿池

葺商文教墓剗漏澤園士民德之祀名官生平慷慨重義耿直不設城府鄉人至今稱

之舉祀鄉賢以子貴累贈光祿卿羅元孫勇子為善構屋數十楹置田百畝設義塾以惠

貧族斃石若嶺建梁邑侯謝公表其閭子孫遵守弗替

胡昉字端明為人樸茂孝友為內外所推領鄉薦卒無改寒素不事干謁天台耿恭簡公亟稱其品以歸

次系志卷之九人物

裁楚士官終司
訓舉祀鄉賢

方以蒙

司徒弘靜長子醇篤坦厚不挾貴居里開解紛
排難不憚捐貲司徒謂無間于鄉黨朋友吾其

無憂矣論者方之陳仲

弓焉子士亮登進士

黃應坤

字惟簡御史鏜子也隆慶戊辰進士令浮梁新
塗二邑擢雲南御史出按雲中上谷令譯者宣

朝廷威德具封事備陳貢市便宜再按山東躬治爰
書尋遷大理寺丞囚多立服未幾病卒父子繼為名

史御

李錫

字君寵通州人原衛山東沂州以父改調新安衛
左所千戶虎軀猿臂能挽弓入百石馬上運槊如

飛每戰不擐甲不戴兜鍪惟急裝短縛裹構藏石攷
矢持矛為濶入苦塵之計初起行間靡戰不克歷陞
都督僉事同知錫有膽氣有披擊而兼有謀屯軍不
分部頓躬自扞擻臨敵不分止齊躬為衝槍軍中無
聲色之奉但挑號健兒與抵撲角射投石超距有勝
已者輒如田單之拜由是千人一膽子耀祖襲頗有

文可為
儒將

汪在前

字立前為諸生時父丞平湖坐事前白郡守欲
出父罪守辱之明年成進士即任嘉興司理尋

徙南刑部郎與同舍郎暇日登高賦
詩時有吏隱之目旋以戶部郎歸

陳嘉祥

邑諸生善屬古文辭繼而習軒岐家言精養生
術凌觀察瑄嚴介少許可獨喜與往還談論年

八十餘作仙翁遺說一篇
樹之墓前次年如期而化

吳際可

字文甫號艾齋南溪南人少為郡守何東序器
重隆慶庚午鄉薦年二十二已丑試南宮太史

楊起元薦第一人秉衡以文體過奇擯不錄益聚書
數百萬卷苦哦東觀閣中非載酒問奇屢不得上越

十年受合州學博士尋擢溫州推官一郡稱神所部
交薦予恩典踰年徙廣西左州以母老陳情終養所

者有詩文及文符數
十卷藏于家祀鄉賢

黃應乾

字伯元郡庠生有質行而多才新安衛諸材官
無不嚴事之不以門閥挾貴詩為諸名家所賞

大系志

卷之六 人物

三

畢汶

字子明以孝弟特聞髫而失母哭踊踰節歲時輒至墓所泣不休父卒婺州汶扶視歸哀慟幾絕客

有貸其季弟三百緡為商本者舟沉于江汶出橐金與客共償之以子貴累贈工部左侍郎

方揚

字思善隆慶辛未進士授陝州守遷南戶部郎時有怙權相勢者私據公田嫁言為社以贍不給乞

揚作記揚不應遂以事誣之出隨州事白尋貳秀州嘗夜赴隣郡遇盜舟中盜知為揚羅拜且衛之前相

受戒而去尋遷守杭州病乞歸外臣得休沐以歸自揚始入陝州名宦祠

曹樓

字世登隆慶辛未進士授戶部主事詔脩會計錄部尚書以屬樓尋督學四川嚴干振絕請託蜀士

胥服會松茂之役與賜金帛尋遷江西右叅政卒蜀人思之祀名宦鄉賢

陸天象

字斗南脩幹長髯受徒甚眾師範肅然尋授懷遠訓導轉黃巖教諭祀名宦

羅應鶴

字德鳴號聞野呈坎人隆慶辛未進士筮景陵一蘇再差東粵粵時有蚤之役應鶴亟說督撫三親

而俱者蚤與民也願生俘母馘督撫納其言先後

累俘數千人捷聞告廟閣部以下頒賞有差應鶴

之于勘報疏中薄議督撫而切責大帥改差督學杜

交關請託擢大理寺丞尋遷左卿轉大僕罔弊一清

進陞保定巡撫東明長垣河堤成賜金幣以丁父艱

解官去屢薦不起子人望成進士卒年九十一

程嗣光 字汝學補邑諸生通五經尤精詩易從周東廓

授青陽訓臺使者旌之日學沿孔孟理入朱程蓋寶錄也

孫麟 字道徵縣學生表朴訥而裏淳和溫然長者工

于說詩門下弟子甚多僅及貢而歿咸痛惜之

呂海 字觀之邑諸生及許文穆之門為太守何東序所

首拔士究心性之旨湛甘泉王龍溪洪覺山凌斗

城講學斗山海多質問為一時領袖

吳林

字用茂補庠生師湛甘泉耿楚侗錢緒山諸公潛

心良知之學與兄樓廬親墓三年舉足未嘗入私

室人稱難兄難弟云

程子說

字仲傅號中剛少承父觀察理學受業黃澄湖以苞苴造說輒掉首不顧惟日陳古鼎名書却立危坐年四十終

徐尚文

字景昌少年治經與羅中丞同師許文穆天性孝友父死偕弟尚元廬墓三年

黃雲龍

字逢元府城人甲子鄉薦做廬數椽讀書其中未幾歿京邸其家居著作甚富以貧故多散軼

程弘忠

字汝一槐塘人師事泰州王心齋明格物致知之旨復徧從王龍溪羅近溪耿楚侗胡廬山就正德業一時名輩咸折行交之後遊衡岳曾植齋延之書院數年晚自衡之粵謁陳白沙湛甘泉墓遂卒

黃懋

字孟晉上路人侍御應坤長子以諸生入成均有文才矜然諾工書法遇親友之貧者必力為周恤子弟中有志力學者輒嘉與之或以治生之說進則日貧乃士之常奈何營營為猶子成象字像之亦

工詩以例貢授江西布政司理問再調浙江所著有可羅山房稿

江東之

字長信江村人萬曆甲戌進士授行人擢御史都尉侯拱宸車騎闖入御道東之叱之出錦衣

徐爵張居正腹心驕縱莫敢誰何東之劾其奸狀巡撫王宗載謀殺直臣以媚權相東之露章指其殺人媚人乞從先朝撫按楊路等謀殺沈鍊抵罪例治之尋出督屯牧會小阿卜戶率百餘人襲破黑谷關殺數百人去邊臣周詠等瘞尸詐以功上為按臣所劾

東之受命往勘間行關外見新蒔蔬畦疑之立發蔬深入得九屍皆中創陳文治等因坐死直聲大震累遷進太僕寺時張馮餘黨復熾構陷張岳沈思孝吳

中行趙用賢鄒元標諸臣東之發憤上疏請先自罷復以山陵事議與執政迕左遷職方員外出知霍州

進為大理少卿論閣宦格殺親弟罪狀尋撫貴州時安疆臣鴛放魏貴竹東之燭其奸首議建天柱銅仁

程子誥

字文甫按察心泉長子按察由南銓擢藩臬皆歸所著有臺中庭中撫黔奏疏行於世

酉應天鄉試季亦有聲諸生既按察歸里以理學方格模楷鄉閭家人鮮當意者誥克秉繩矩按察與汪恭人同壽終誥哀泣如孺子當按察大漸時語諸子曰吾以清白遺而曹今尚有業可守而伯氏成勞不可泯也蓋按察宦遊

程家相

號潛明萬曆壬午舉人初授光澤令有重囚母病思一見相憫其情縱之歸母卒囚自投獄再

知郴州有善政人尸祝之性至孝親喪廬墓三年

汪居貞

字元幹號桂麓潛口人由歛諸生入北雍登萬曆壬午鄉薦居家孝友侍大母若母疾至蓰功

名支雞骨弗顧兄鴻臚僑寓吳門咯血危親湯藥不啻子職疾賴以瘳徐少宰作傳紀其事歲弗登不

惜倒囊多方賑濟彭令君頌其式行之通邑竟以救荒奏最

畢懋賞

字惟功其先大父贈太常卿鍵常目為家駒父

曆戊子歲大稜挾貲賈于潛觀飢餒狀心矜之有持質丐米者倍所予不責其償日給數干人已而質罄

改廛于沛值大潦死亡相枕為給棺具瘞焉季弟懋政赴人急亦遵長兄遺規

江湛然

字清臣號乾菴萬曆乙酉舉人初授泰安知州

荒湛禱輒應蝗不入境遷婺州同知兩署在事六縮邑符晉兩浙鹽運使司同知覲列上考守桂林時

當黔滇不靖戴星入治解驕兵脫巾之變以勞請致政士民群走控留兩臺為遣官敦勸視事不得已復

起供職會入覲

江廷俊

字世英家居近郡北學宮見其年久剝落喟然

金新之碑記其事甚詳

程有守

萬曆甲戌進士授弋陽令丈量為江右最直指

副使致政歸居家莊事伯兄白首不異爨俸餘所入剖分諸姪輩卒未幾田不逾一頃子孫蔬食

羅應鴻

字德賓領鄉薦閉戶養高足跡不入公庭授山西河曲縣茹葉飲冰士民歌之以母憂單騎晝

夜奔歸傷足不能復仕卒年七十八

凌子儉

字仲廣沙溪人萬曆戊子領鄉薦歷任戶部郎

為監軍共事城守儉畫策防禦誓與城相存亡圍久

糧絕日食米僅半勺從者至者煮革以延喘儉乃大書

遂歿可謂能捍大患以死勤事者矣

程奎萬曆丁丑進士潛口人授工部主事權木荊州至

解則按稽成數而已歷官光祿太常清謹覈弊如郎時

巴鼎

家貧父久病侍湯藥不怠汚穢亦親浣滌父疾革

鼎執喪哀毀撫諸弟有小過每自刻責以感悟之

程子鈇

字鼎甫萬曆丙戌進士司理杭州杭故邑鄰境

未瓜及而卒

汪通保

字處全少賈上海負賢豪聲上海令苦朱氏計

獨任之一時義聲傾海上年九十有餘

方灌

號菊隱靈山人借婦躬耕與兄分箸嘗取瘠推肥

顧兄業終不振諸姪之體粥婚嫁一取辦于灌絕

吳國仕

字季升號長谷郡城人萬曆甲辰進士授刑部

主政擢守構李嘗帥諸生詣天心書院講學士

瞿然向風念貧戶困賦役為均調之南漕素苦僉解

因為定官解之例治故有海塘漕堤一瀕海患風潮

一壘土患濼潦鳩工脩築輓率行人多賴之又建石

梁于王江涇拯競渡之溺人呼吳公橋入計卓異賜

大系志

卷之九人物

三

恭藩川東值奢崇明父子倡亂樊龍等虎踞渝城仕
 單車入涪設水哨禦之龍受擒渝城以復尋奉命搗
 蘭親履行間賊糾安兵來犯仕合黔將夾擊敗之追
 斬二千有奇招降三萬餘總臬西粵藩貳湖南會常
 寧奸民煤錫礦為利劫掠居民有司不敢制仕扼要
 立營擇精銳更番守禦民賴安堵擢閩方伯釐剔蠹
 弊嚼然不滓會海寇賜張仕熟籌島嶼要害分地置
 將佐中丞惟美渠魁魄奪投誠願滅賊自贖八閩平
 歷祀各宦遷南勳卿晉少司農督流泉條上五議商
 民兩利卒以勞勩隕官即病將革猶倦倦邊事朝政
 絕不及私贈尚書予全祭塋廕一子鶚翔原邑庠生
 仕孝友與兄弟析箸多推肥取瘠不計生產終身廉
 潔以清白貽子孫都人士
 追慕之舉祀郡邑鄉賢

畢力忠

字公式補邑諸生居官清修特操不受民間一
 錢海忠介時為南都御史甚重之以執法忤當

道遂投檄歸蕭然不
 能治裝有廉吏風焉

洪啓蒙

字有本桂林人郡諸生潛心陽明文集恍然有
 得遂屏厄辭默存解悟凡所論說大都發東越

微肯而不詭于考亭耿楚侗負理學重名督學南畿
 得其策亟賞之謂直探理窟不墮言詮士林罕見其
 匹因引登白嶽揚權聖賢大旨自是解悟益深講業
 紫陽書院易簣時猶悟心性之語學者稱為源泉先
 生崇祀

鄉賢祠

胡沛然

字冲雲府學生貌甚瑰偉巨口鬚髭大聲高論
 一第不足拾乃數蹶賴許文穆以復貢竟卒于

官

許嘉賓

十歲能執筆備書以佐父母養殮年十二父光
 輔邁疾不治賓浴冰封股肉作湯以進父疾遂

愈鄰里驚嘆部使者
 旌之曰庸德可風

方時化

字伯雨號少初羅田人以舉人就教滁陽遷朝
 城令時白蓮賊逼朝城而陣勢甚熾化嚴城守

偵知邑中黠豪王甲周乙為洛陽劇孟不收禍將不
 測召為約正以甘言撫之二人感泣願以死報一日
 詣公庭請日詰朝市中有婦人推車過者乃盜魁也
 願得壯士數輩偕往縛之化如其言明日果縛妖賊

教主閻氏及賊陳士湯等立斬以徇調繁鉅縣招撫
流散大興工作凡民受役者厚其糈以給之不夾旬
民爭歸焉遷蜀叙州府丞分署建武地逼苗穴化簡
兵蒐乘嚴備戰守會溽暑邁疾卒于邸所著有易頌
易疑周易指要釋易引易學述

汪無競

字象武左司馬嫡子承父廕絕意仕進著書自
娛尤深禪理事庶兄惟謹當析家簪不以嫡先

凡司馬所遺圖書供具田廬臧獲及母蔣淑人笥篋
中物纖悉推庶兄共之蚤歿大史李本寧銘云以孝
成弟以弟成慈善歸于親而名不尸以弟成
讓以讓成廉貧歸于子而子無嫌其實錄也

方元彥

字士美萬曆丙戌進士初令金華擢御史按甘
肅罷市賞視閩陳備邊五議再按畿南按浙先

後疏不一上按閩釋冤法奸却紅毛番市鎮安海堡
城又入言星變地震宜撤瑞使以答天譴卒于官

余文義

性慕義嘗構屋數十楹置田百畝以給貧宗每
日鋪粟一升矜寡廢疾者倍豐年散其餘無年

別議補助又度地作義塚構石梁于文
儿山子訓誨誥同爨雍睦有父道風

姚之典

字惟欽九沙人幼岐嶷端重人以公輔期之為
博士家言亦務通世用萬曆丁酉領鄉薦禮闈

王者亟賞其文以策中語大觸時忌畏弗錄然學益
精進至老不休時以古忠直臣厲其子令勿負所學
凡族有願為制舉者必極力成就之七旬餘始勉以
子思孝官受封兵垣給諫後因時變憤悒而卒年八
十一

畢立德

字仲明武寧簿累封中書御史府丞性坦而和
不設城府工詩與邑彥流結社四方文雅之遊

及其門者無不倒屣延接
年逾大耋登臨矯健如飛

洪大德

字仲昭父老諸生大德以脯脰膳朝夕期當父
歡及領鄉薦先為弟在娶婦更資給之皆養父

志也令京山廉潔無以為
家士論服其孝誼清操

謝顯祐

字餘慶樂善好施值歲大稔煮粥賑飢又買米
四百百載歸以濟造橋梁施棺具邑侯彭公知

之舉賓飲三子應登應
節應善皆好施樂善

吳中明

字知常號左海篁南人萬曆丙戌進士先後授

執法不阿權貴尋轉南吏禮二部權璫陳奉橫三楚

言官朝疏上夕緹騎下莫敢誰何中明獨備列奉暴

橫狀時論建之權河南提學晉大叅分守汝寧道汝

寧王縱奴張淪殺人中明當其罪卒置奴抵王急走

洪時芳

字日榮父俊卿值歲大凶殪人橫野拯救多所

主父疾

瘡頓起

謝彥章

字于宣開黃里人登萬曆乙卯賢書將入闈夢

其遺集以艱歸補真寧守勞殞于官初授晉州學正端

程式

字君衡江山人萬曆庚子舉人初授晉州學正端

舉兩臺特委巡邊安輯軍民尋以卓異行取考選授

工部都水司主事奉差樅木痛革陋規積勞成疾卒

吳應明

字以誠萬曆丙戌進士今福安有治績兵戶二

太常寺少卿給假奉母歸數年卒著有教

畢士燿

字道闇生而醇篤敦孝友母嘗病士燿到臂為

家緒幾中落以士燿善賈四方墮而復振均析異

許象先

字汝賢為博士弟子父卒于淮奔喪歸傷懷永

五日卒於喪

許啟敏

字元健號蔚沙以舉人授蘇州學博士首觸魏

物以為常抵法繫獄至數百人啓敏至多所平反自

院道乞建

章宣赦不可宥者令煎鹽貸死全活甚衆

次舉祀鄉賢

七

關上烟禁延蔓無辜啓敏議止抵魁罪未浹旬上命
解網須次晉兵曹堅請南還軍民遮道泣送河濱者
萬人尋以疾卒

江應曉

字覺卿在城人天資英特入成均屢試不收遂
棄去斥買四大部閉門緝學者稱爲山城

集行世讀書駐蹕山麓學者稱爲山城
先生子秉謙以文章經濟稱名御史

吳肇函

字允孝爲孝子榮讓家孫七歲聞母訃于伺庄
哀感行路年十七補博士弟子耿楚侗深器重

之父病顛天請代及喪葬於丘原猶朝夕省視力辭
伯考古愚公繼資鉅萬撫二弟諸子愛甚篤修復世

祖丘隴免強隣侵沒舉吳門汪友七喪生平博極
群書尤邃于濂洛關閩之學人稱躬行君子云

洪文衡

字平叔萬曆己丑進士授北戶部主事晉吏部
考功司引疾歸以相臣與銓曹相距遂調南後

起補南虞衡司在南北曹後先凡十餘年大者如疏
請建儲功在國本議建城議錢法暨諸却羨與中貴

爭爲國家省金錢至千萬緡晉光祿上八事神宗多
納之而景黜之命爲之寢轉太常疏請重人才忤時

貴罷歸天啓改元詔起原任補左少卿時值熱審縱
舍寬抑至百五十人陞太常正卿上祀廟一疏與宗

伯議不合然廷中不能訕曰此千秋正論未幾以廟
祭勞後卒於官恩給葬祭贈侍郎廕一子入監讀書

崇祀鄉賢祠

管籥

字伯和世襲新安衛指揮同知歷陞福建北路等
處右叅將氣象昂藏衛中前輩劉氏兄弟松峯梧

峯以豪舉聞至籥則翩翩有雅士風常言仲可拓吾
武而伯可展吾文竟俱肖之伯懋元字子乾庶長太

學生仲懋光別有傳

凌煒

字汝亮常從族兄負販夜歸蹶失所挾持哀泣不
勝煒奮日徒手起家亦人子耳盡以所業業之不

耻惡衣食而養二尊人必脩其葬葬父母鑿其家財
然猶未慊志念至輒淚沾臆于仲弟視疾哀死體爲

之徹卯翼其子經紀其家不遺餘力邑令劉仲署其
門口卓行宗伯李維楨爲之銘曰所謂齊魯諸儒質

行莫及者其人乎蓋煒實錄也

黃全初

字性甫萬曆己丑進士授崇德令比歲不登道賦至十有五萬為請獨豁當事不可遂移疾歸

起改南武學教授遷南雍博士尋遷南戶部主事軍餼多冒支悉蠶其弊歲可省萬四千緡晉郎中出權

北新關會內計有蜚語而罷居家孝友澤三黨急窮交里人多德之子願素

許立德

字伯上文穆長子十八補諸生性孝友母汪夫

人患噎苦不能食則亦終日不食母歿以積餓

哀毀死三日復蘇彷彿見母送之歸人以爲孝感既

卜地葬母廬其側日夕悲號文穆聞稱病召之乃入

燕侍時念母慟哭文穆亦慟後恐傷父心每念至欲

哭輒掩面走他所盡哀而後還其書畫極爲董宗伯

所賞屢當廕子屢讓其諸弟以季子志才贈尚寶司卿配鮑氏贈宜人

江東望

字君介歲貢授華亭訓導時諸生與權貴爲難

有司將中諸生以法迫東望詳文爲據望力諍

其誣執義不可陞德化教諭年八十四而終孫天一

郡諸生力學持正有祖風適淮見判苻孝婦爲著驚

天集後死于難

程懋積

以遠祖支派繁歷年久祠事不盡虔捐已田三十畝入衆襄祀爲諸人勸

吳琨

字文良性孝友嘗捐金濟人其人挈壺觴謝却不受曰生平施不望報而獨受若乎強鄰有佔人墓

程大熊

字兆呂邑諸生後母死既葬廬于墓三年不忍歸居鄉樂善好施親族貧而無依者皆賴其惠

楊武烈

字伯承登進士司理建昌嚴明綜覈有治幹聲擢戶部主事尋以病卒所著有仕學堂遺藁

許立禮

字季履號遠岫文穆公季子喜讀經史工晉唐法書以父廕補中舍奉使鮮鎮却屬邦餽金稱

不辱命陞工部主事凡督營繕額內多節剩蒙賞賚

紀錄已差督易州炭廠補完宿逋一十八萬陞員外郎督脩京城工陞雲南知府凡九年善政甚多限于格不獲大用

吳士奇

字無奇號恒初萬曆壬辰進士筮仕寧化縣調繁歸安陞南戶部主事管浦口倉權水西門皆

次系

卷之九人物

三

箴五要訓率嚴正其教晉士如蜀時歷陞湖廣右布政使攝左藩篆嚴從來奸胥盜帑至十七萬有餘再舉卓異陞陝西左布政使未任晉太常寺卿時魏璫肆指適權路以右銓招堅謝不往遂以中旨致仕歸後以叙川功蒙欽賞起用撫按十餘薦堅臥不赴所著三祀志史裁考信編徵信編綠滋館稿楞嚴同其未刻者皇明副書一百卷以陳乞予祭葬加贈工部右侍郎

鄭文英 字伯華天性淡泊若窶人子兒時母啖以膏梁但取屬饜蔬食即喜人謂其矯答曰固然吾豈能長保富也庶得此耳太守徐公將覈士行以上學使者已默知文英薦為七學第一蓋異數也

汪徽壽 字美之性純樸好施予焚券濟貧義聞鄉曲捐貲二千金修河西橋梁郡太守董公紀其事于碑

亭碑

專懋良 字師臯號見素邑城人萬曆乙未進士除萬載令萬載土瘠而俗悍前令以計去官請選者多避不就良謂邑令同民好惡奚為畏悍獨民瘠撫字艱耳下車壹與休息入計道歸里開篋止冊籍數快

陞南銓部驗封司尋丁內艱因授徒講學斗山書院服闋補禮部旋以副使督學浙江兩臺及同官筆牘槩不得入臺使者卸之遂解綬歸起補福建督糧道設法每年得存米五千餘石衛軍先歲備貸民間每石六錢各縣額徵銀買米至九錢得羨銀三千五百兩及署諸道篆廩緩俱委積穀遂幾至十萬石後紅糞寇海上糧艘不通當事者發良所積穀民藉全活尋陞福建觀察使管屯鹽道事時鹽法久壞良立鐵式每引五簍每簍止一百一十劬私鹽盡總增額課七千兩仍晉福建方伯錢糧支放悉依原封二年捐羨數萬為閩省減加派餉會海寇亂良佐閩撫黃承玄檄宿將沈有容參謀幕府計降巨寇袁進朱八老等數百人沈擢山東副總良恐降寇有變諷有容率此輩往立功沈如約海國賴以無虞病乞歸年餘起南京大京兆陞戶部右侍郎總督倉場到部即與兵部咨議本色與折色相間給發每年可積米八十餘萬石會忤璫罷崇禎復起工部左侍郎凡戰守攻禦器具咸倚辦之以病予告歸適有告燕京之變者即擲蓋于地而逝

許文林

字毓秀號竹石性孝友會歲疫林舍妻子負母以遁翼日病者俱起雅好解紛傾囊不惜善吟咏有竹石山人遺藁少傅許國為序子璇以已資置祀田宗人請肖其像璇歸善于林而祠之孫性本年

十三父病刲股以療世食孝友之報云

程寰

字伯輔號颯持萬曆乙未進士初令光澤卓異調新建屬權政行海內驛騷寰不少假西江賴之擢

比部主政典試雲南旋督糧越中會運漕愆期詔以能復者晉三秩寰督造艘艘一年即復常期進楚臬司駐節長寶接壤黔中兵餉令甲隸楚揚督臣檄楚募兵寰日倉皇募兵未必可恃莫若以楚募金募黔人楚免荷戈之擾黔得宿飽之士誠兩便也督臣允其議長寶洞蠻號西川王者嘯聚為亂寰親冒矢石勦擒之尋晉越右方伯未幾告歸壽七十卒

蕭樞

母李氏笄年守節貧苦益堅樞係遺腹樵汲力養邁母疾割股和進疾旋愈母死廬墓追思日夕悲號至有兔馴

芝生之瑞

洪養蒙

字正叔號見九桂林人萬曆乙未進士拜徵考滿璽書褒嘉又三載卒于任蚤歲與兄啓蒙

倡道紫陽郡人以明道伊川宗之開與諸太史參畫多國家至計長材短祚士論共嘆惜之

帥嘉謨

字禹臣少有心計常曰文不能冠士武不能冠軍即當他長見九章勾股吾幾幾充筭博士乎

因取天下冊籍閱其戶口稅糧得徽州絲絹事大駭曰吾邑何辜而乃為五邑賊此一科乎歲七千緡二百年于茲業有百四十萬緡矣急為文徧告邑中士夫三老為疏干言請闕上之得旨五邑大器監司為均輸調停之議以他項錢糧折而那補吾邑得少

方尚用

性夙孝切識定省儀長而貧竭力承懽父樗患痢諸醫莫治尚用刲股以進父隨愈後用病幾

絕以不能終養為恨尋死迨母病噫劇夢見尚用泣跪告曰惟葶薺可治如言果痊宗隣咸稱其生死盡孝

程子敬

字和一性嗜學凡先世文翰及諸經史悉有節畧嘗編事文摘子一集遷其居曰敬所

次系志

卷之九人物

三

吳宗堯 字仁叔北岸人萬曆進士令益都自採權議起

未幾疏千餘言列瑞違旨營利剝官毒民諸大罪坐

誣削籍被逮青齊之民數萬遮道衛送逾月乃定宗

堯雖罷官而瑞魄以奪矣萬曆辛丑冊立恩復其官

壬寅詔錄用建言諸臣吏部以堯名上天啓二年追

贈光祿寺卿加全卹 蔭一子入監讀書

鮑文行 以孝聞父病篤割左股作糜父食之而甘霍然

病已復延筭九齡其從弟文光亦有至性割股

糝餌以瘳母 宗人稱之

吳治 字孝父性豁達輕財少博學善鑿古鼎釜鑄彝法

書名畫之屬常遊公卿間北走汴宋燕齊南走吳

越閩浙西走楚直抵蜀遊峩崱以歸居鑾江虎臣康

虞皆其諸弟相與倡和海內勝流無不知有夢竹先

生歿于江上 年七十四

汪元功 字玄倩號蒼衡萬曆乙未進士授光化令邑劇

盜張經橫行襄鄧元功討平之歷南計曹出守

吉安泮宮火元功取袍笏拜火立息以外艱補順德

時關外告警亟徵芻粟器械車牛倉卒立辦旋備兵

雲中司農僅以五萬金應元功節省皇賞罷買貨差

杜一切耗蠹追併侵贓完兩年貢布一十六萬額仍

存萬五千兩儲後為欵貢用上溫育懈勞之素囊部

落與釀家構元功馳往責諭解之晉霸州觀察使與

王制臺齟齬投檄而歸臺省交章薦起湖西兵備兼

攝嶺北滅洞賊轉督漕糧兼督修河工勤勞邁疾卒

崇祀各宦子昌業才藻冠邑庠昌明名成均

性澹泊大司馬李邦華招之不赴居鄉多隱德

汪鏐 字庀材性至孝兒時寡母績紡易食食不忍飽

長雖貧事母必順其志城西北火及其門而滅署

府通判邵寵嘉之願其廬日節孝格天子廕尤孝友

北遊歸至箬嶺心動乘夜涉險抵家得與母訣厚裝

嫁四妹死復收殮之 貴產多推予弟焉

洪世俊 字用章萬曆進士授同安令陞北禮部主事時

十餘疏切中時宜出叅章南歷右布政會紅藜入寇

俊預堡圭嶼儲火藥寇不為患轉山東左布政白蓮

賊構亂值歲大侵軍餉繁興後轉運有方餉足士奮卒致蕩平陞太常寺卿叙功陞一級蔭一子入監讀書尋卒賜祭葬贈兵部右侍郎所著有問古節烈集蘭臺疏藁諸書

凌立 字爾三別號衣白山人天性孝友事繼母曲盡孝也所著有六經流別國朝典故孝經大義讀史歌畧疑同集劄疑錄異字鏡自怡別錄華影集臥遊錄夢

覺篇煮
字齋集

鮑應鰲 字山甫號中素萬曆進士授戶部主事權崇文門稅秋毫無染管太倉庫如崇文門主試山東

程錄皆手自削牘士林珍之尋擢兵部武選司又改教習駙馬適駙馬私回籍嚴旨削教習職時鰲以兵部差出尚未赴禮部任蓋沈四明曠其不附中之也後復職補祠祭司尋陞郎中適孝靖皇太后薨詔依

世廟沈貴妃例行鰲以沈貴妃例簡畧乃考世宗實錄所載穆宗母孝恪皇太后時為康妃薨禮部尚書馮陽德所具儀注仍增十三條疏上即行恭慰禮神廟聞日原來官們也看得此事重迨殯請卜地疏不

下鰲急見政府葉向高政府謂上意在用舊壙而第一壙鄭貴妃欲之欲權宜在李貴妃第四壙下鰲執以要用舊壙第一壙因謂政府曰相公何不因勢利道另擇地疏遂下鰲在儀司諸凡議謚請卹守正不相假借請告歸天啓元年詔起廢尋陞尚寶卿又陞太僕竟以勞冒寒疾不數日卒賜祭葬贈太常寺卿

許達卿 字以道許村人事嫡母洪慈孝無間為邑諸生不習經生言顧手不釋卷嘗處黨里解

紛賑急人多德之守令嘗以民隱訪焉

汪一龍 字德化讀書通大義以貲為郎節省路藩邸第累萬緡事竣得羨鏹三百金同舍郎潛發篋持

去大司空譴之亟龍貸償之歸而家日落設帷授徒益博經史有婢獲遺帛追還其主後授真州大使辯誣人命而却其金及歸行李蕭然及子應元登第足跡不入公府人多其廉

方良範 字子賢為邑諸生授徒以給家食與兄良箴弟良策及諸弟或儒或賈竭力提挈同居共爨數

世無異郡邑聞其賢顏其堂為孝友以貢授池州府訓導卒于官良箴聞訃慟甚喪歸出迎一慟隨殞人以為孝友之至云

潘緯 字象安 岩鎮人 才敏捷 善賦詩 工隸書 授中書舍人 常賦瑞蓮詩三十餘章 雅好行義 未官時 無子 將買姬真州 遇鬻女完 逋者 緯遺以金脫之 歷三十餘年 權貴不忌 闕寺無惡 卒完名而歸

畢應辰 字嵩陽 補郡饒 有雋望 簪笈從遊者 百輩 雅善古文 詞邑諸大夫 多禮致之 著有嵩陽集 宇秀隣 桂林人 萬曆進士 授福寧知州 陞戶部員外 出守南陽 謝賓客 杜交際 贖鍰 俱屬邑積穀 不入府藏 惟文移申報而已 舉卓異 第一 督學陝西 拔多名士 尋轉汝寧 參政 本省憲 長山西 右轄 其清操 峻師 一如治郡時 再

舉卓異 入為光祿寺卿 畢懋康 字孟侯 號東郊 邑城人 弱冠即工古文 辭少司馬 汪道昆少傅 許國少司徒 方弘靜 一見異之 引為忘年友 年二十四 成萬曆進士 授中書舍人 廣西道監察御史 命甫下 輔臣朱賡宣言 曰 科臣以言

為貴 六察驅馳 自有官守 康直疏其奸 巡長蘆 盡釐鹺弊 稅監馬堂 請立銀魚 殿於天津 康奏罷之 慈按陝西 歲旱 廣設粥廠 發倉廩 流民漸復 業全 活十二萬四千九百餘人 徇夷穴山谷 時出掠 康取其人 編入保甲 用各鎮收用 彙丁法 明年閱視 延綏 固原 鎮常樂 響水 六羊河 保寧 堡諸戰 皆捷 前後斬獲七百六十餘級 既而山東旱 廷議救荒 無出康右 復巡按山東 康禱岱宗 立兩遍設粥廠 視救秦飢 法加詳 所賑飢民 二百四十九萬二千七百五十有奇 仍積穀十六萬 四五百餘石 旋以京兆丞 轉鄭陽 巡撫 會巨璫懷宿怒 編其名黨 人中康遂 行家居數年 復起南京 通政 陞兵部右侍郎 旋自免 歸陞辭 上命製造武剛 車神飛砲等械 成并輯圖說 以進 復起南總督 暨剔財賦 稽耗弊 事觸闔忌 遂告歸 著西清集 二十卷 疏草 二十卷 管

吳應登 字伯毅 父梅 臥病 醫罔驗 登乘夜 顛禱 請以身代 因封股 作糜 父飲之 而愈 郡邑上其事 于御

史屢錫 旌獎

江世東 字伯達江村人萬曆進士令蕪水土民有江清

此奏擬雲南道御史而卒祀鄉賢

洪繼美 字章舍山昆人邑諸生素履端方執經問業者

時閉戶端坐語人曰此即吾儒主靜孟子養氣工夫不徒祛練玄真也後七十二歲無疾而終

方恒 積母金性狷急持家人嚴恒婉婉承之遇請讓輒

長跪自責得顏霽乃已以子有度貴累贈工科給事中

唐世經 字崇明槐塘人少年篤志學士洞塾廖公讀其

之會心有得時寄之詩賦討岐黃之秘療病如響不責報里黨欽慕之既以衡泌老日惟經術課諸孫季

孫暉成進士

程子鏊 號坤輿槐塘人少穎敏萬曆丁酉偕弟子鐸舉

于鄉辛丑成進士授蘭谿令甫下車吏以解羨

上鑿此禁之雅意作人所造士悉登鄉薦凡兩上計

邑肖像祠之晉儀部尋參藩西粵域多猗嶇鑿一意

廉平率屬率年七十二黃鑑 字德昭父志禮商遊失意久不歸鑑為兒時問父

行訪其父出訣仲弟日所不能歸父者不復返矣踪跡四方莫能得一日舟至黃州遇一舟鑑倚蓬立來

舟長年見之謂志禮日彼少年甚類公志禮急呼泊舟去稍遠鑑聞呼心動返舟訊之知為父子相持大

慟而舟遂異至今傳其事云

洪佐聖 字仲隣萬曆辛丑進士初除南京工部出權蘇

稱視學江西習不變乘憲山右民以不寬卓異陞湖廣右轄轉江西左轄隨授南京都御史以憂勞盡

瘁竟不起

殷宗器 字君陳萬曆進士授興化司李有神明稱嘗攝邑篆興學校制祀田創建鄉賢名宦祠擢北吏

部文選主事清奸弊罪十三人

洪祖 幼孤事母孝母患胃疾革祖封股為糜進母疾遂愈母卒行服墓次焦毀過禮兄嘗有逋貸祖為償

之居鄉醇謹

畢懋政 字惟德嘗遊閩見道磴為施樁以瘞者無筭又嘗見其賈折將航海為桑榆計是時航海之

罰甚峻懋政給道里費挈之歸某戶侯領京解解者例分給諸商于燕都收其值仇戶侯者首于部械繫

將奏聞林連數十家禍且不測懋政貸數千金為完納所全實多其子士光遊太學慷慨有父風

唐世典 字崇堯以麟經冠郡諸生郡學宮牆潘尚書欲穿一私門自便典力爭之竟不能奪有諧之督

學使者檄赴淮安試百鳥表立就學使者奇之表至今贈炙人口所著有春秋講意

方道通 字寓庸號夷庚巖鎮人萬曆甲辰進士初授善化令調繁江夏時宗室子戕民藐令吹于庭道

通切斥之會勢要請謁一無所諾遂陰獻童觀一歲道通至是三為令一無愠色先後入閩楚閩兩

名雋尋遷北部士民肖像尸祝且祠名宦轉兵曹秩滿遷守開封梁地大治尋奉命河北兵巡請終太宜

人養不允尋以齋祝釐表驅傳歸五日值太宜人設帳之辰易簣猶及視飯舍一時咸稱孝感云

江應全 江村人父歿遺腹生遇父忌輒悲號逾旬事二孀母色養盡孝母疾與妻割股居喪哀毀躬自

負土廬于墓側年八十以光祿寺署丞卒于家飲和縣鄉賓者四直指使者題允旌表

汪道暄 字獻于松明山人弱冠補郡諸生餼于學宮母弟道範異母弟道曉俱幼喪父嘗分筆耕之餘

衣食之各為娶婦範卒暄撫其子曉再喪妻不宜子暄歲時為展墓無餼祀從兄左司馬往往稱道之萬

曆庚戌貢禮闈道遇鬻妻者贖還之壽七十七終其子康運崇禎丁卯薦于鄉令江西新喻稱廉吏率多

其家學云

詹潢 字伯章郡庠生貌寢而悍好古文辭不屑為舉子業每試放意為文不干名第而有司重其博雅數

保全

之

方信 字好古靈山人太學生頗嗜書以好古自命始

程國祥 號我旋古關人萬曆甲辰進士一介不苟兩為

其之如節以病告歸授徒講藝僅給體粥起北禮曹

轉典北選登起事者多一時名流以特立不阿為中

人所忌竟落籍家居怡情翰墨欲詣所知率自策一

至南京倉場總督儲時倍增陞北京戶部尚書左方

右圖殫其拮据每五鼓入部至乙夜始出日惟自置

乾肺一嚮燒餅數枚供啖食而已未幾進文淵閣

大學士多所匡正偶以陳對失旨遂允告歸卒

程大俊 字汝彥號海玉槐塘人生六年而孤志異凡兒

躬行每鄉飲遊舉為賓一再赴不數就也知與不

知咸誦曰海玉先生有道人葉臺山相國銘其墓

汪有功 字祖倩萬曆甲辰進士宰蒲圻值水災力請折

勸青宮講學刻巨璫亂閩當誅藩宦不當借祭孝陵

與不便蘆田管業張差肆逆危及國本當會訊窮治

其奸俱切中時弊按江捐餒金二萬餘以論張差

事忌者乘其艱歸中察典摘理問尋擢行人司副陞

尚寶司丞崇祀鄉賢名宦

唐汝棟 字子上號見石世經季子也性至孝事父母備

勵日母死而利兄之有乎立折券子暉司李武昌迎

養却不至日若為廉吏而翁為廉吏父何有于五鼎人

服其篤行云

汪茂德 字士元號葆光潛口人萬曆己酉北闈擬元以

一日所傳觸景興懷諸什董宗伯陳眉公題咏其簡

端生平著述往往稱先德維名教其節烈遺事諸篇

幽貞尤賴以不朽友諸弟撫諸姪邑人翁然稱之排

難脫厄多奇蹟宗人肇元會報以詩有日今則我士

元昔惟華子魚

程廷楨 方伯程寰子生母韓氏病劇割股以治弗効徐

歎縣志 卷之九 人物 七

抱棺痛哭氣絕與母俱斃

洪輔聖 字孟隣天性孝友髫年卽以聖賢自期萬曆丁未進士初授大行矢志忠貞殫心經濟庚戌力

疾趨朝卒

汪玩 字良味叢睦人從兄賈分財不私一錢母卒每見遺物嗚咽不勝哀事父曲盡奉養之節父年九十

樂而忘老稱大耋得地葬父喪執紼跣行二十里負土成墳一繼袍十年不易嘗捐萬金建宗祠一時爭以義歸之三子宗

孝宗文宗道有傳

江東鳳 號錦江郡城人屢以孝友獎於督學丞高安有政聲署邑篆持廉執法監司考治行上上交遊

多名流洪中秘鮑太僕尤稱石友年八十餘豐頤養粹好客不倦

余受豐 岩鎮人幼聰敏讀書十行俱下弱冠入縣庠試輒高等縣令張濤修邑乘延請較定以名教為

已任吳彥方侍御成出其門著有篤志集

汪宗文 字景謨叢睦人鹽運司副使矜然諾尚氣節與李本寧太史交最篤相別泣下葉玉成問卿逝

令人請祀名宦比部郎忤上意左遷寢真州橐如洗為治具士有蜚禍為之白其冤嘗特識鼎元劉孝則

於未遇之先人服其水鑑

唐暉 字文季中楫槐塘人萬曆庚戌進士前後授開封武昌兩府推官兩府多藩封宗民雜處與大獄

暉至一郡稱平為吏部郎中以拂寺人削籍居家數載復起尚寶司卿遷太常寺少卿出清楚餉楚民聞

暉名立應壬申流寇蠡起擢暉巡撫湖廣都察院右僉都御史時粵寇已掠吉安與楚界接暉謂兵尚神

速下令速援吉安寇聞備遂遁衡州臨武藍山二縣多土寇順流下攻長沙暉急發兵擒殺數百人伏兵

搗其巢寨巨盜悉平豫寇從應山窺郢中暉檄辰兵敢死者伏應山旁夜搗其營渠魁有號十闔羅者俘

三人生擒二人餘斬獲甚多寇知暉嚴備乃潛奔與即西賊合當陽遠安皆陷暉調鎮單兵復之官田石

門胡家冲三捷斬首萬餘水寇高大易洪宇僭號連若蘆化溝仙桃鎮暉陽調兵防沔漢陰得其主名盡

旗鼓出漢口賊無敢逼忌者以暉弗任糾察免後大
司馬覆勘下軍
書褒諭復原官

畢懋襄 字君平邑城人郡諸生尋入太學好博雅十入
晚精岐黃宗丹溪里中饑疫
全活甚眾著有醫膏十八卷

江秉謙 字兆豫號瞻城萬曆庚戌進士授鄞令簡嚴廉
誣累數百人謙力為平反浙闈分較精藻鑒入計屢
舉卓異尋擢臺中巡南城詰奸數人置之法城賴以
安屢疏請修屯田疏壅遏廣延覽黜奸邪諸大建自
其西臺奏議中會魏璫創設內操故相募兵都下中
外危疑謙不勝憤同諸諫臣合疏糾之又疏言經撫
失職樞臣事屬一體不得蟒玉行邊益觸璫忌被旨
外遷有頃皇子誕生詔建言諸臣皆賜環璫叩謙獨
不與會副院楊璉疏璫大愆及降謙事益深蓄其
是璫焰日熾緹騎四出謙自分不免素有瘍疾憂國
憤時痛遂增劇歿後四閱月璫橋旨削奪崇禎初誅

逆始復前秩
宗祀鄉賢

程彥忠 年十五補郡庠生以親老不樂仕進投刺歸養
定省之外閉戶讀書親卒哀毀踰禮服闋有司
屢薦之俱
以病辭

汪應元 字長孺號洲鳧萬曆丙辰進士第二人選授太
常博士修舉廢墜有協律郎誤損玉磬罪不赦
元捐橐增置郎得免尋奉差歸會璫焰不出崇禎改
元召入臺中諸所持論率嚴峻出按粵西歲大旱元
至甘雨澍降人稱御史兩罷牛稅罷榷木多所興革
復按陝西茶馬中外兩利優旨紀錄尋督學北畿甄
拔皆各儁歷官諫
草甚多悉命焚之

方有度 字方叔號方石羅田人萬曆丙辰進士授山西
長治令邑無主藏吏故事以民之殷實者月更

一人筦庫鑰坐辦一切供億家無不立破者度革其
弊推擇廉謹吏歲易以代之惟稽出入而已時西邊
馬市久閉所儲市潞絀多腐敗當事者欲發民間轉
易度力言其不可條議上督撫謂絀織非一邑更六

七年織戶轉徙死亡莫可詰議遂寢滿最召長省垣首疏罷靡爛之費于紅丸選侍二案皆有建白宣付史館為闡黨所中削籍家居忱憤時事抱疾而卒崇禎登極褒卹嬰禍諸臣復原秩舉祀鄉賢

黃時濟

字仲惠石嶺人好施僑居建平守令以客禮之為堤宜橋則梁空為橋皆捐資首植彼中之士贊日

蚕績蟹筐范冠蟬綏黃君之謂矣孫負工詩文別有傳

注元標

卓異晉銓曹歷掌四司篆矢公慎不少假借值

權璫鼓煽拂衣歸閉門著書絕不及朝事會有疏通之詔乃起備兵海上至則飭海防擒大盜蕭潮清等

千餘人閩得安堵後晉福寧藩臬治福

汪可覺

字天民幼孤驕而宕父屬兄可簡善誘之頓自折節一執于道家僅取給餽粥諸父有以厚費

延訓子者藐弗屑也舉鄉薦逾艾以歿

黃願素

號若鏡萬曆己未進士授撫州推官獄多所平反舉卓異特擢銓部時魏璫濫爵願素力持

之不少假疏汰假官百八十員訂刻銓曹亭宜存之部中它如禁飛布燒鑿以護郡鄉龍脉設界嶺防守

以清竊發鄉人德之崇祀鄉賢

汪可託

字仁先幼穎敏篤學孝友十歲而孤從伯兄賈

推解不厭母病心動奔歸躬事藥餌繼天封股諸子既長人授一經經各一師皆有聞仲季俱成進士可

託悉以素所觀記吏善敗狀訓之載被思綸布衣革為自如舉祀鄉賢

胡尚英

字起凡號瑤宇萬曆己未進士為玉林錢相國

庶常初典鄉試載分禮闈所取皆一時名宿歷官南

大司成移宮詹病卒所著有南華旁訓擊鉢陰解弦

吳燦

字不銜太學生博蓄書史嘗以重資購得宋版史

燦先意為承捐賑宗人以數百緡計

仇夢台

字泰符號貞素萬曆己未進士授平鄉令三載用兵羽徵車鐵咄嗟立辦先期馳納未嘗歛民間一錢當事器重之會東省白蓮賊煽禍蹂躪曹滕震逼長垣於是急調台于長垣至則增陴浚隍繕兵布謀渠寇于丁樂走他寇亦望風遠遁垣晏然安堵入計考最竟就民部尋推淮稅台為叅新舊酌存減收稅惟一驗放惟時舟不留行立木榜著為令兩載足額餘溢悉解佐邊積勞成疾請代不允卒官邸環淮浦為之罷市

王世澤

字胤大生一歲父客死出一詩扇囑遺孤及長索扇已亡多方重購得之一展開淚盈盈下年九十哀慕如初先是扶棺歸道遇虎人從驚散虎視澤垂首而去董宗伯其昌有詩傳

吳賜玉

字輯五戶部尚書吳中明孫以蔭授江西南康府判戈陳賊寇南康玉聞趣躍馬提鞭率丁壯數百十人往剿時賊逸去三十里玉追及賊阻橋據崗為陣玉發一矢中賊魁賊拔嗅之群喜曰未傳毒乃下崗返擊玉躍馬獨前從者皆後猶手持鞭格殺數賊遂遇害撫按疏玉贈江西按察司僉事祀名

宦鄉賢蔭一
子生員奉祀

程道新

號涵初以司徒午槐公蔭授銀臺幕曹長歷官荆州府同知勅駐施州衛先是忠崗安撫覃寅他與衛民牟海蛟等爭地相讐殺頻年不解道新至遣人齎諭分理曲直輸服弭兵大豪牟文仲羅洪升糾眾寇掠為民害道

新檄購之尋俱就縛

洪思忠

號義虬洪源人父應參有碩德忠少穎異補國縣主簿殫心民隱薪米皆自給判事操筆立斷無留獄會濟南大稜御史廉忠才使賑飢民頌之以病乞歸士民遮道而泣歸築醉閒亭賦詩不輟所著有醉閒亭集孝廉汪沐日為之序

程暎

字孟陽臨河人習戴氏禮弱冠補郡庠生篤于孝有讀禮表微徽風續抄號

方策

字獻成岩鎮人郡庠生好古稱詩數不利于主司乃棄去遊薊門縉紳中喜客者爭延之善談二氏

卒年七十八

余棐 嚴鎮人事父克養志兄弟五人終身無間生產盡付諸兄弟已獨以舌耕養親為郡庠生試輒高等

著有易經本旨孝經集義獲心錄歷代諸臣傳贊諸書

姚檀 字馥之號思峯年十二失怙孝事孀母母有子四居食皆倚辦檀事兄克恭終身未嘗求析產撫女

兄孤為之有室歲大疫鄰境渴糴檀曲為濟度以活飢人以子宗衡貴封翰林院檢討

徐成治 字平仲號新寰學易之子天啓壬戌進士為河

治至設櫃定法徵收餘羨盡革調繁唐縣政事脩舉如汜廉名甚著陞禮部主事教習駙馬雖薰灼在前

蔬食飲水自若

潘文炳 字木生性篤孝言動軌于禮為時楷模幼及太史焦澹園門講學文為陸錫明楊以任所賞

羅人望 字當世號虛舟大中丞應鶴子早慧萬曆甲午舉于鄉凡國家典制及古今名臣言行經濟靡

不殫悉天啓乙丑成進士請終養不

得授武學博士念父不置遂病卒

呂生伯 字以行性孝十八補博士弟子員制蔬簡潔高

一時有僑 瞻之日 字濟臣前庄人垂髫善屬文數阮府較崇禎丁

江作楫 字督學賈繼春首開錄遺楫不移畧疾書七菀

拔儒士入棘主者得卷大奇之擬首薦坐策中有斥

魏璫語置之各益噪嫡母患癰親為浣前異母弟病

垂篤貲產悉以贍猶千里人多義之

洪應紹 字念卿號海洲萬曆壬子舉人署崑山教諭廉

給貧生時有顯者歛怨邑人群起為難顯者意甘心

聞所得士多知名歸病卒于崑著有 四書詩易解諸書崇祀崑山名宦

凌邦瑛 字伯偉性孝友仲兄疾劇割股劑藥所以身代

吳彥芳

字延祖石橋人天啟乙丑進士初令莆田設學

名宿以廉卓報政擢御史九閱月疏凡十一上所封

駁皆關切民生軍國利病最後以排擊太驟櫻鱗下

詔獄有孤吟詩以見志徐釋繫歸後以閩撫題覆論

靖寇功詔賜白鏹自是杜門却軌薑桂之性老而益辣

羅炯 字然明甲戌進士工文詞任嘉興七年性清介絕

意苞苴時有一杯清水藏羅炯之謠晚隱居不仕

吳德翼 字孟肩號覺非溪南人師友登第翼蕭然自遠

父病封股和液進丁母艱不茹葷者十六年課季弟

德鑑有聲六邑各士多出季門下崇禎戊寅貢樂道

著書不謁選子尊樸

郡諸生克承其學

黃一鐸

字公路庚午舉于鄉教諭桐城流賊殘破經兵

士而造就之遷福安令著

績循良歷官江西建昌守

方國儒

四歲失怙事孀母至孝登天啓辛酉賢書授保

康令獻賊入境儒設方畧力戰七晝夜賊遁去

崇禎八年賊擁十餘萬衆自房山來攻外援盡絕儒被執罵不絕口而死

程子鐸

號黃輿槐塘人丁酉舉于鄉十上春官不第就

辰成進士授閩沙縣令閩輸粟例僉解大戶鐸上監

司定按畝出貲委官輸解之法官民兩利分較棘闈

所拔多異材獨以失上官意考中下會委解課金輸

郡郡輸失水將坐以不職沙人遮道泣復補輸課課

以完遂易上考再令長垣尋以疆事久棘邑人大恐

鐸募選精兵八百餘不動公帑一粟遷佐政計曹病

卒沙蒲皆肖像尸祝之

方如騏

字士雄未冠為庠生後改成均父母歿築室讀

書塚旁踰年徧通經史湖廣南葛寅亮一見其文

奇之聞東越周道登倡學東南官于滁挾贊一再語

周大驚因出所著東越傳宗諸書屬騏序臨終亦遂

以孫託騏居金陵陸南門燼骨凡數千與鄭滂石甃

金陵孔道以達蕪湖費五千緡偕弟如驤相友愛驤

亦勇為善日佐騏不逮子處實

十三為邑諸生人美其家訓

姚宗衡

號霞淑崇禎癸酉舉人署平原教諭流寇突至

對稱旨特授翰林院檢討深感殊恩厲志報國

凌駟

字龍翰性抗直補郡諸生凡歷朝典故及古今名

復之下銓部錄用駟請會試許之癸未成進士時西

賊孔亟詔從督輔李建泰出防河授職方賊薄保定

駟獨戰不支賊執之數以威脇不屈刀矢俱向駟腦

貫喉賊視已死乃棄去創少愈復至臨清首建義旗

斬賊官復東魯八十餘城會福藩嗣統江南嘉其忠

詔按山東暨河北河南所至威德並著改按河南時

本朝兵薄鄆城又詔移節人宋鎮臣意圖南避駟

誓以死守尋聞郡邑以城來附駟知時不可為還第

仰藥為眾所阻復擊劍自刎又為標將解之時軍中

有生得御史之令士民皆環拜泣下願駟緩死擁護

豫王姪潤生從行有令旨設宴享駟不食賜貂裘革

鳥不受環守帳中題詩白衣望南泣拜即帳中自縊

而死潤生為解其縶以衾覆駟亦縊駟側並題有詩

駟贈兵部侍郎
潤生贈御史

汪宗道

字景和叢睦人博記通疏義嫡母吳氏愛如已

父終宗道尚為孺子泣三年不寢內生母張罹火難

宗道欲自沉頽水賴眾救晝夜哭越三日始進勺水

自後日食一粥子能光有聲序運

光觀光俱成進士人以為孝竹之報

程士賢

字師尹太守道東子崇禎己卯詔舉賢良遼撫

扼其衝兼捐糗羨墾荒寇薄

楊貞一

字孟公號闡南郡諸生少穎悟言莊老易有晉

優上督學者三善聲韻所著

汪鯉

字子化邑諸生崇禎癸未鎮兵無制出掠郡邑鯉

督馬士英將嫁禍郡中鯉單車赴淮撫史可法請解

羅斗

字兼儀性介耿善古文詞儀部王蘆人相國黃東崖欽其文品國變隱居不交世務所著有翁山集

程民悅

字公甫郡城人邑諸生試輒冠軍已酉癸酉兩中副車遵祖遺訓屢世同居教猶子煒為邑諸

生子於共承詩禮之訓生平動履不苟博雅好古賚志歿

吳公逸

字無逸少失怙恃哀慕不忘親高湖祖墓為洪流衝嚙立損千金築堤保護長兄病劇季兄訟

困成出資援解每歲終計族人老幼授粟授衣屢遇凶歲力行賑恤全活甚眾崇禎末屬于允復疏請于

朝輸萬金佐公家之急贈中書加工部主事

程景祥

字休徵郡庠生八歲喪母哀毀如成人後父病篤封股和藥秘不令人知性耽書史篝燈苦讀

丙夜弗休

方國煥

字孔文積行砥躬克持大義于王陽明周海門之學多所辨發嘗著定命論時化說尚友解及

醒世秋興等詩聞國變絕粒數日刺血題詩于壁雉經而死

汪弘裘

字子治太學生性篤孝幼失恃嘗聞母欲以枉橋父侍御督學燕都卒于官計至裘震悼仆地哀氣

衝逆鼻比失血數升饘粥不入者七日尋侍御檄南旋哀毀衰事日必慟慟必血竟後侍御而卒里

中歲飢賑糜糶斗以下不取其直初寒施纊至千計卒之日遠近無不惋惜焉

程家軾

字仲瀾吏名衍洙槐塘人崇禎己卯舉人知長子縣值寇薄城挺身出諭寇凌逼之不能屈遂

遇害崇祀本邑鄉賢

王文企

字子及號乳山天啓辛酉進士授吏科給事中時淮揚山東歲飢公憂賦重民愁極言直奏同

坑僉止之文企口屋漏在上知之在下內憂外侵眼見國門無結草之固也而上龔下暗可乎疏三上果

觸重怒謫南京國子典籍拂衣歸里朝野頌之

王泰徵

字嘉生號蘆人崇禎丁丑進士歷吳川新會建陽令所至俱大著聲治行卓異擢禮部主事會

國變竟不起官歸隱歛之檀山杜門教授日與其徒講習經史百家旁引曲證學者翕然宗之聚徒至數十百人卒時七十有六所著有樗菴集友林漫言紀事詩隨筆春秋四傳輯言詩書評長書雋南華質五代史嘆道德經頌周禮考工辨等書

汪沐日

字扶光石岡人幼解前因崇禎癸酉由浙之金陵過杭之孤山憶前生於菴中刺血書華嚴經

指龕中老僧謂是前身欲自茶毗眾弗許因自述故友某公其人尚在亟迎之一見稱舊識某公詢以舊事甚悉聽茶毗焉是歲舉於鄉甲申乙酉入閩會鼎革入吳山僧服著書名曰弘濟號益然有易解莊通孟子國風諸書晚以故人迎歸黃山道經廣陵題詩留別以己未五日大集故人為詩限死字韻午刻自書七言長歌一首有五月五日三閩死之句擲筆而逝南雷黃宗羲為作塔銘歸骨黃山青鸞峯下汪觀光字瑞侯叢睦人崇禎癸未進士授四川順慶推官將之任聞闖賊之變被褐隱山中讀書訪道以氣節肝膽為已任時巡按上官益交章薦之堅不出著頌上草堂詩集弟運光辛未進士有二汪

集註流行於世楊緝菴稱為二戴功臣學者咸宗之

汪蛟

字辰初叢睦人崇禎己卯舉人甲申聞闖逆之變即拜母金夫人絕裾而去日兒豈知有王氏臘走

閩粵演緬二十餘載歷諸艱播越後藩帥隲於朝原職降用而蛟以母春秋高為辭時母將九十公拜且泣日兒不能為陸秀夫以倚門之望兒之罪也承歡者十年居喪哀毀杜門絕客冠蓋不一見高人韻士造謁如平生歡綜覽淵博著有客漁集滇中奏疏及詩古文詞數十種見季舒戊午舉人亦以文傳於世汪宗孝字景純叢睦人邑諸生高第受廩以奇俠著騷下至武林好拳捷之戲綠壁行如平地躍而騎危瓦無聲已更自簷下屹立偃二尺竹水上驅童子過之皆股戰則身先往數十過已復驅童子從之諸鼓舞木熙跳丸飛劍之屈見之赧然自廢也居恒縱談古今事變人物臧否國故兵畧吏治民隱較然蒼素薦紳大人有風槩者命駕造門如平生歡率不報謁有難則千里往赴平忿怨雪冤滯李某愛姬為豪貴金屋貯久矣宗孝為出之於深閨曲房其家驚不敢門

又嘗與葉相國向高劉將軍縉素友善陳眉公題像云各宰相因之登于朝大將軍違之潰於塞蓋指葉與劉也宗孝將請闕至蕪城夢文皇遣緹騎召使治水引見殿上文皇貌甚偉長髯垂膝左右以奏牘進文皇震怒曰壞我東南百萬民命奈何公頓首言臣書生不任官守且父老不忍離子舍文皇色不憚有皂衣人長跪回請乃已其年淫雨漏河三楚三吳沉寵產蛙事載皇明崇信錄鄉人至今稱爲宗孝先生

程士章 字伯達嚴鎮人父嚴註客游遼陽母王氏纔有身五月耳越六年父卒所交馮都司者葬之高某阡付諫守焉語其僕法識之而歸討聞王哀毀屢瀆死上奉舅姑下撫士章孑然一身延三世不絕之緒未幾王與舅姑相繼沒孝子年十二依於任子方以異者十四年異子士達資以金孝子乃同僕法往遼尋父骨至遼出諫証墓所具棺啓窆刺血濡縷沾枯猶潤手其骨諸指如或撫之蓋孝子生未見父而骨肉相逢若此人嗟異之卒奉其骨以歸與母王氏合葬焉父老至今咸知嚴鎮有程孝子云事載亘史

仇秉忠 字蓋思王充人崇禎己卯由選貢廷對特賜同庚辰進士出身授山西永寧州知州陞浙江

府同知蒞官兩地多善政晚年致仕閑戶著述有四書宗旨毛詩精義等書

潘一駒

字嘉客景升從弟也明季仕爲廣東通判棄歸以詩文自娛書法適勁生秀製墨尤邁古人子稚樸直以多才有父風書法一倣松雪墨竹尤有蕭蕭出塵之致又精曆算天文地理諸術

汪瑗

字玉卿叢睦人邑諸生博雅工詩見服于介州歷下著有巽麓草堂詩集李杜台注楚辭註解諸書

汪汝謙

字然明叢睦人父萬曆鄉薦謙生而穎異與黃貞甫董思白王季重錢牧齋文徵明陳眉公相

友善一時奉爲祠壇尤好獎借善類輕財樂施族戚待費者數百人明末避地武林青簾白舫縱情詩酒爲風雅領袖所著有春星堂夢草齋諸刻子繼昌順治己丑進士官觀察孫鶴孫康熙癸丑進士授庶常麒麟戊午舉人

余存脩

一名長生號鈍齋嚴鎮人性豪邁遊于汴以詩名自周藩而下至士大夫靡不敬禮之居家以

隱德琴稱爲逸士有缶音集行于世李空同序而傳之今祀六逸祠

余育

字養浩號隣菊存脩之子性孝多文行父遠遊朝夕不離于側嘗數千里致名花以娛親志父歿哀

慕不已又常設義學以教子姓澤及里黨著有潛蚪山人集十卷美牆錄四卷

李流芳

字長蘅溪南人萬曆丙午舉人再上公車不第天啓壬戌抵近郊聞警賦詩而返遂絕意進取

年五十五病喀血而卒長蘅為人孝友誠信和樂直易外通而中介少怪而寡可與人交落落穆穆患難

窮交寒士性好佳山水中歲于西湖尤數詩酒筆墨

淋漓揮灑山僧人相與款曲軟語間持絹素請乞忻然應之書法規撫東坡畫出入元人尤好吳仲圭其

於詩信筆輪寫天真爛然其持擇在斜川香山之問而所心師者孟陽一人而已

江天一

字文石正直廉介工文章寒江村人稱寒江先生晚年棄舉子業甲申死于難同學閔遵古洪

瀾閩人蕭倫蕪湖僧海明為購屍殯之寧都魏叔子為之作傳

鄭為虹

字天玉父元化官執金吾多隱德為虹幼穎異十四補弟子員受業檢討汪文烈偉之門繼從

伯父元勳遊元勳者海內所稱超宗先生者也崇禎癸未與元勳同成進士假歸甲申李白成犯京師虹

走浦城丙戌王師入浦城虹曰負國不忠辱先不孝忠孝兩虧奚生為遂自殺陳名夏為之傳

方矜式

父濬澤為名諸生式為童子侍父側俄父咯血汗滂滂下幾不起式急取菜刀刃其右腕刀鈍

不得割鬻而剪之投滾湯以進父尋愈式亦不使父知也事見亘史

汪鳳齡

幼治經生業家徒四壁菽水承惟母程病割股療之不起越二旬父病齡復割股以進父亦亡

鄰里哀之潘之恒為立傳事見亘史

尹童四孝

上豐尹氏子也長夢炎次夢昌次夢呂最少者曰夢友俱為童子母病療四子哀號累日

夜炎昌乃謀藏小刃私語弟縛臂令代之割皆曰均母也有一不割是可忍耶惟友少可掩而圖之友不

可謂兄必先我割我乃無號遂伸臂交割夜寂無聲凌晨炊一糜投臂肉其中母飲而甘之父旋覺加詈

焉路人皆為流涕事見亘史

潘煥 巖鎮人父病彌留煥以割肝可救父持斧自劈

內探空無有俄肉突出如丸割片許而縮投粥中雜

進之煥創如牛目鑿用龍骨末敷之三日而口合父

得延五旬乃終煥廬墓側與蛇虎狎

江玉冰 字若履郡城人侍御秉謙之子也謙劾魏瑞罷

職憂時病革冰禱以身代幾不欲生遺累千金

歲稜悉貸窶人子不責償壬午中子獲雋冰不樂曰

吳公寬

母胡氏相依為命篤志舉子業萬曆丙辰胡氏

病篤諸醫不治寬晝夜號泣焚香告天引利刃割左

股飲之自是胡氏復生者六年辛酉始歿丁丑寬遊

汪一元 字思石叢睦坊人舉人戶部主事權關潯江清

國朝

張光祜 字雲仲號省庵登癸酉賢書汪侍御應元舉賢

士出守鄧州鄧洵罹兵燹人空土滿初加意拊循招

徠開墾而鄧以治會征湖南督造戰艦區畫有方軍

需以濟治下庄之盜單車逼其壘論以向化皆感泣

就撫鄧有巨釜駐湍河沙磧不知所始或傳有神物

憑依動之輒災明末李賊挽他所鄧卒受屠至是鄧

張正茂 字松如號元晨父順艱嗣以晚得子欲其筮家

書畫交遊多一時名士性篤孝父病劇遍走群望禱

十宛轉床簀間十餘載夜多洩茂躬奉溺器浣中翫
以為常截羨饘醴必親調以進父歿哀毀骨立風雨
輒趨殯宮伏而號泣三年如一日生平好施與嘗買
婢詢知其父無他息即還之不責值以儒士試中翰
病不支棄歸著有元晨
詩集子習孔登進士

洪德常

字常伯孝友性成於書無所不闕隸籍真州每
試誦其儕偶聞父病亟犯風濤渡江舟子不敢

行德常號呼得濟維母徐安人三子悉殤奉佛惟謹
德常築室以養志母喪廬墓德常少從周海門游厥
後講學紫陽學者稱為常伯先生中庸要領而外所
著書甚夥以子督學琮貴 贈禮部郎中崇祀鄉賢

楊光先

字長公以祖寧庵世襲新安衛副千戶儻好
學蒿日時艱讓職弟光弼子遊都門崇禎時昇

棺闕下幼吏科陳啓新首輔溫體仁廷杖謫戍遼左
入國朝抗疏斥西洋教之非詰辨新曆法授欽天

監正凡九叩 閣十三拜疏辭弗允勉就職康熙七
年詔求直言光先條陳十款切中時弊獲蒙採納

內逃人一欵得免十家連坐之例歲全活以萬計
未幾新法復行禍不可測 特旨放歸卒於途次

汪瑤光

字文岫郡諸生左司馬汪道昆冢孫例補父廕
博學能文為京山李維楨所推許哀輯太函副

墨太函逸書年譜梓行並自著五臺游草冠清樓集
香林草二游紀趨庭紀聞讀書隨筆詩禪佩鱗等書

國初知縣宋希肅聘修邑乘提督張天祿東山堂
產芝五莖請撰碑記濡毫立就為一時傾倒張移鎮

雲間延人幕著有東游草歸老函山時種花蒔茗賦
詩自娛而名賢至止未有不願交恨晚者末年與宛

陵施閩章交最契多所倡和南州陳允衡一見贈詩
有云市上千人廢函中一老遺之句其于後進以詩

文質正者尤兢兢汲
引焉率時年七十八

洪琮

字瑞玉號谷一洪源人生淵穎秀異九歲能屬文
父病刲股以進順治壬辰登進士為韶州推官時

當用武苦供億琮條議十餘事多所裨益妖民郭天
鵬不軌乘其不備擒之鬼子峒將為亂琮夜抵其寨

論以禍福即日歸誠虔寇廖雲飛王秀叛琮誘擒之
曲江緝不法觀察使將用兵琮不可行部勘實論七

人于法全活者數千人時有詔得洪公濂溪再逢之
謠晉刑部主事修明律例轉禮部督學陝西新關中

書院延徵君李頤講學頒學政十四條秦士翕然一
風以母老陳情歸養報可母卒廬居白雲岩屏絕一
切年六十
一而終

王仕雲

字望如號桐菴嚴鎮人順治壬辰進士福建泉
州府推官嘗讞舊交獄失出禍且不測無怨言
補廣東程鄉令榜天理王法四字於譙門內多惠政
校士無虛日人稱海濱鄒魯邑故城惡修繕不遺餘
力新鐵漢樓以自况邑人德之生平矜肝
膽意氣與人盡誠欵著有論史同異諸書

汪作霖

字雨若號借菴章岐人少游吳下楊維斗錢吉
士錢牧齋諸君雅相推重崇禎壬午舉於鄉久
之補蒙城論蒙故漆園地霖至為新講堂受業賦詩
其中士風丕變遷德化令又柴桑舊地也值兵燹驛
騷戶口彫敝需應猝至常弗給時則稱貸以濟少緩
即詎令堂上霖嘆曰陶彭澤不能為五斗米折腰也
即引去歸築夢醉園為詩云蝴蝶夢還仍是我東籬
酒熟便為家其寄傲如此子溥勳浩然皆成進士漢
烈亦有
聲庠序

吳聖楫

字右舟號雪巖郡城人大司徒國仕孫以拔貢
授陝西文縣令縣壤接西羌番民雜處楫控御
有方故有遠屯新例歸併附近州縣前令止據見在
丁糧移併而故絕亡軍七百餘丁仍累近屯前令瀕
行軍屯鼓噪幾不測楫單騎按行諭令解散即為詳
報請豁後廉得其首者以他事重懲之自是軍屯
伏又有遠屯下徑地草逋銀三千餘兩猶在縣籍苦
累十所楫力請臺司並得拜疏題豁縣產雲楸黃
楊等木多在番境前後臺司檄取採辦者多為生番
所掠楫每奉檄必極陳艱虞役藉少寬奸民尚應魁
假充旗丁肆毒居民楫廉得立置之法諸旗丁驚竄
勿敢犯縣為松潘孔道蜀軍往來勢橫難制多干禁
竊販馬匹楫擒其鴛傲者解驗茶馬御史蜀軍由是
欵戢丁未六月奉檄按行邊寨清踏熟番地畝深入
異境得疾卒櫬還由玉壘關父老攀號丁壯百人
率輓梯山陟峻忘荆棘墮折之苦著有雪巖集

吳山濤

字岱觀澤富人崇禎己卯領鄉薦國朝為成
縣令時秦中初定成尤湫隘居無官廨唯以石
作几山濤色晏如日賦詩不輟秦撫淡敬愛之乃請
于撫以縱情詩酒糾罷其官延之幕府因得遊宦

外有西塞詩及歸西湖以畫自娛人爭寶之卒時年八十有二

吳雯清 字魚山號方連巖鎮人順治壬辰進士授澤州

若案牘中有大疑滯剖訊立決會峒寇薄城下逃亡

澤兩臺將勦之清不可單騎入賊壘曉以大義寇皆

惴伏來歸兩臺交章奏薦召為江南道御史入告皆

請慎重民牧有齟齬者遂鑄秩以歸後有繼公疏申

請者卒用其言尋起至行人司司副卒于官生平篤

孝自食貧至祿養數十年如一日所著有寒濤吟星

桂草紀遊草雪嘯軒集勸善集聞見錄

諸書子髦士秋士弘士皆著聲序

方式玉 字玉如號崇未岩鎮人幼穎敏落筆有雋致補

雅樂盡欽式玉至舉其廢墜悉如闕里志刊為圖元

音賴以不絕生平善回尤長於詩親沒哀毀滅性撫

猶子如所生所著有涉江草

亦詩醉翁石照詩集杜詩

王鉉 字澹石號台峙幼卓穎嗜學不倦淳熙甲辰成進

立授山西徐溝令時秦晉之交羽檄交馳誅求無

藝鉉咄嗟立辦人不知兵至禁舖整恤郵驛裁耗羨

-5 180 45 930" data-label="Text">

革奸胥平房稅建義學諸大政一皆原本經術戊午

程式庠 字于周號不岩江村人以明經入中翰督師洪

公經畧雲南叅幕中委署曲靖道性嗜吟著有

懷堂詩

余文焯 性孝友少貧鶉衣糲食父所欲無不遂之有弟

稍長見族祖文義所造石梁傾圮罄其家

資以新之有利涉功里人至今尸祝之

-5 180 45 930" data-label="Text">

胡文學 字卜言號道南郡城人順治壬辰進士初任真

定司李每讞疑獄釋無辜全活人命不可勝數

-15 180 15 930" data-label="Text">

五載中六登薦剡行取天下第一拜福建道監察御

-35 180 15 930" data-label="Text">

史陳大弊六條以重根本未及一載上封章二十有

-55 180 15 930" data-label="Text">

餘尋觀兩淮離政斟酌損益弊革利興輯鹽政通考

-75 180 15 930" data-label="Text">

撰著淮離本論虞山錢牧齋宗伯見而歎為經國巨

-115 180 15 930" data-label="Text">

次系志

手內陞京堂以營葬給假辛亥起補以正四品服侍
管河南道御史事王子力疾請假予家居平生寬和
容忍濟扶危困不計貲財以父志在浙之寧波遂家
於鄞縣嘗彙刻甬上耆舊詩自春秋文大夫而下多
所表彰自刻有疏稿李贄敬義堂文集適可軒詩集行世崇祀鄞縣鄉賢

洪珩 字琅友號矜山洪源人爲人和易醇謹與物無崖
舍人從親藩督師江西以能績著陞刑部雲南司主
事不激不隨豪猾悉屏時尚書姚公文然執法明恕
以君爲賢卽死獄已具君婉曲平反出人于枉已未
以才改吏部文選司庚申冬卒于官貧無以殮鄉之
士大夫合賻以歸其喪施

愚山侍講爲作墓誌銘
汪溥勳 字廣淵章岐人德化令作霖長子也少馳聲藝
林順治丁酉舉於鄉榜後物論紛然
上臨軒親試以詩賦序辨說制藝表判策論甲仗森嚴
人皆股栗溥勳疾書以進
上得卷色喜考上中拔置舉人第一已亥又召於
再試如前考置第六是年會試不第臚傳之日

上令傳呼江南舉人汪溥勳者再時論惜之康熙丁未
始成進士授中書克修玉牒五載以勞致疾卒于官

許明賢 字仲容唐模人少讀書白嶽性至孝親意少不
敬爲宗教子讀書取友尤有法一日渡江取諸子所
輯時文投江中曰此無益之學命編輯歷代史論及
名臣事畧爲二書諸子皆克成厥志他如賑饑焚券
施棺施藥及完人婚嫁終歲孜孜無虛日及老猶命
其子力行無少怠三舉鄉飲大賓崇祀鄉賢載江南
通志卒年八十五宗伯龔鼎孳爲誌墓長子承宗知
縣次承宜授給諫次承家授編

修累贈徵仕郎工科給事中
吳曠 字闕旅號前僧當小學志冠成童塾師不能師之
尤善詩文工書爲人慷慨任俠好急人之難崇禎
末值天下擾攘數瀕於危後補博士弟子員非其好
也寡母在堂宦情冷淡遂選名勝以奉板輿徙居梅
莊有終焉之意或詰之答曰彼一時也不與經生講
學此一時也不與豪傑談兵晚年皈心禪觀卒之日
書偈一首畢跌坐而逝子四苑蔚荃菘苑官國子監
祭酒得贈翰林院檢討南雷黃宗羲爲之傳所著有

次系志
卷之九人物
三

放眉閣詩草
草集諸稿

羅蒼期 字姬生號蘋洲呈坎人幼有文譽讀書曉溪大

間奉教補藁城縣令擢入中書科乙

吳震 溪南人節婦鄭秀英遺腹子也震年七歲時母疾

依盡愛盡敬六十年如一日族人稱日節婦之門還

仕藉

汪堯德 號陶菴潛溪人少家華亭與董宗伯思白陳徵

伯陶菴為三像其見愛重如此明末調選得廣東始

與學博 國朝大兵入粵改署始與令官一載以母

老疾力求終養歸居鄉三十餘年足跡不入城市以

法書名畫自娛所談多開寶遺事卒年八十有四長

子贊邑名諸生詩文為

當代重學者多宗之

胡璋 字卜男號補松郡城人康熙甲辰武進士事親至

孝性尤侷儻嘗以獨力創大宗祠構樓屋數十楹

使近族得所居止又設義田義學人多賴之晚築補

松書屋以見志歲癸丑文廟傾圮璋率先領袖鳩工

庀材宮墻煥然一新妻汪氏讀書通大義姑疾剖股

以進郡守曹公贈扁旌其孝會文廟工未竣璋卒汪

復捐資以竟其業郡守曹昂

望副使王緒祖有碑記其事

汪濟淳 字麗公號夏水潛川人歲貢生著述甚富與程

山志諸書行世學者稱為夏永先生

吳汝貞 西溪南人性至孝母病篤糜股以進母病益劇

一片昏暈倒地血流不止家人覺之奔白貞父父曰

奈何因母捨身萬一身以此殞母病不益重耶貞徐

斲日身為親身母疾果藉此獲愈奚以身為惡命妻

煎肝進母貞父延醫鎔金為烙烙之而血始止迄今

張三愛

原籍河南人明季河南大飢遂傭于黃氏隨來

不愈愛計無復之遂於康熙乙巳年正月初三日夜剖胸割肝恬不知痛歸襍淪卵湯中進母母啜之神氣頓爽次日遂能起坐不半月母子全愈有司給扁旌表後母復活十餘年乃終愛由是長齋不娶人號為性善道人邑人黃瑄為立傳

王基嘉

王干人父崔徵採薪遇虎踞澤僉援木避嘉見虎攫父去下樹持彎刀逐虎從虎口中奪父負

程銓

字文衡岑山人入太學神采秀蔚僑居江都條塩政得失數干言公私稱便兩淮盡推為鹽筴祭酒

尤喜吟詠工草書

程思聰

字謀伯號鈍菴托山人幼英敏好讀書有志聖學不屑章句少遊邑庠日與其徒闡明大學格物致知之義中庸性道教之旨年既老從遊者益衆講學不輟有未解必多方開導之卒解願以去生平

著述甚富詩尤純古有集曰鈍人萍問

項駿馨

字昌期小溪人仁和庠生父早喪事祖父母及母至孝有弟遊台不事家產馨待之友愛析箸

後弟屢窘分給至再三不倦明季大稜出粟為糜全活甚衆又自起第宅俾貧人傭工以度故歲凶而里民不知有飢族有宵小構大訟欲破公家當事者得其情將致之法公請日槩不過耗其財耳忍視斃其命耶當事義公語釋之族宵小亦感泣悔罪于龍章蕙俱登丙午鄉薦

程志濬

岑山人後僑居泚水五歲遭母喪哀毀如成人長同幼弟隨父客蜀蜀當寇亂之餘旅食不勝

勞瘁父與幼弟相繼歿志濬葦計千里奔赴稱貸治喪廬居三載行路哀之阻塞稍通乃扶兩櫬由巴峽瞿塘灩澦而歸驚濤駭浪中孤舟無恙咸謂孝思所致家有從兄志澤亦流落西川志濬端人迎歸兄歿撫其幼孤踰于已子二十餘年如一日平生孝行王給諫黃涓程中翰洵遠為作傳

程瀚

字北海槐塘人父困童子科寄籍上元縣順治甲午舉鄉試第二戊戌成進士授江西安仁令嚴家

廉明吏不敢欺邑界撫州多寄庄田為官民病者數百年今至賂償抵解者累萬後為經久計申請各憲寄庄同本邑徵比分戶取保自是官民累除寄戶不敢抗拒歷仕十年卒于官安仁士民為祀名宦祠

方世鼎 性至孝父邁奇疾不起鼎朔望禱神願以身代書夜奉侍湯藥廿年不出戶外卒以勞瘁先

項對廷 字爾度小溪人性慷慨篤于孝友嘗艱嗣元配汪為私置一姬陰遣入房強其納公堅不允從

窗躍出為擇人更適焉里嘗大稜捐貲賑濟不倦又里多火災堪輿家謂築堰蓄水可制遂伐石鳩工堰

成而火患息至今賴之子 昕壬子鄉榜兆壬戌進士

項琳 字人玉小溪人為文高古一再試弗售遂棄制舉業專力于古文詞一時名宿無不慕與之遊為人

孝友廉介不妄取與所著太璞山人 集吳梅村徐果亭諸君序而行之

余兆鼎 字辰凝岩鎮人生而孝友事父母不遺餘力家貧自奉甚薄其朝夕其旨不極豐不以進也同

知姚公以孝能養志旌其廬昆弟間一意友愛婚嫁先姪而後子至于睦宗恤友真心為之久而不倦綽

平有先民 遺風焉

金道貫 世居京嘉里篤孝友睦族親隣賑荒濟困樂善孜孜不倦後業南徐海寇犯境金預為籌畫舍

已全人一時 受庇良多

許承宣 字力臣號筠庵唐模人為人孝友樂施經史子集無不貫穿康熙丙辰成進士初授翰林院庶

吉士後官工科掌印給事中平生正直以各教為已任在史館編鑑古輯覽為諫議抗言時政無少諱揚

州五塘關政滋弊承宣謂此賦外之賦差外之差關外之關稅外之稅也慷慨力陳一方賴之辛酉典試

陝西文風一變由晉之秦民瘼道陳疾苦試罷遂繕六疏如查荒丁蠲逋賦極轉運定潼關稅額核鹽丁

民丁之實復驛馬之舊語中利害又請刊 御製文集捐修學宮皆報可直聲大著有青岑集金臺集

方秉廉 歙西人妻張氏卒終身不娶里人義之徽寧副使旌其門曰高義可風

黃去咎 字無過疎塘人以孝友重於鄉子而裳與冢孫賈外郡送歸侍養去咎耳目不衰如六七十許

人於康熙二十一年登百歲舉鄉飲賓人以爲與朝人瑞云

汪以功 字惟敏幼聰穎邁群六歲入鄉塾目數行下長

卒搏頽號天日爲之肯父喪未親含飯哀毀不欲生

其天性也然尤重意氣客姑蘇有友暴亡於外捐金

爲殮廉其親贈之俾扶視以歸走秣陵病張某者羅

難以弱息委之以功持抱亡匿山谷間得無恙事平

厚歸張氏江南北人多義之又常畢五世之鬻封肩

一門之公役以是稱爲長者課子士鉉栗而寬畊獲

騫畚卒以詩文名天下生平所評閱有史記綱鑑離

騫楞嚴諸書祠部王泰徵作傳侍講施閩章志墓

吳蔚 字接霞號蒿園曠次子也生而穎異九歲善屬文

史漢公羊穀梁離騷爾雅以及隱僻諸書皆出心裁

評定夜嘗達旦父病割股和藥終身不使人知以攻

苦頹年時論惜之妻潘氏性至孝蔚病篤潘封臂以

進嘔血數升誓以死殉蔚勉其撫繼子遂矢栢舟焉

洪清 字克清家貧父遠賈病歿清時年十三聳計踰險

就道千里獨行柩歸葬其在道也炎風烈日倍極

艱苦一夕夢父促之行亟啓戶出門回視邸舍已

盜所焚掠矣精誠感格類如此歸葬後廬墓三年不

茹葷血事母至孝後居喪廬墓一如前焉

項蕙 字臨漪小溪人康熙丙午舉人初任廣寧知縣汰

除耗羨政簡刑清大京兆高公亟稱之曰關東令

牧惟項令一人而已將登薦剡會內擢而止陞廣順

自吏

汪恕 字子喻松明山人少司馬之從孫父一范以孝稱

未可以身殉也恕聞命竭力養母四十年弗怠母老

死恕慟甚嘔血數升遂不起海陵吳嘉紀哀之以詩

有力竭逢哀血盡存骨之句江村高士奇詩云江左

大系志

卷之九 人物

七

寫鄰家罷社時白田王岩為傳
萊陽姜採作讚谷口鄭簠書

汪舟 號岸舫潛口人中康熙戊午科舉人

吳度 字叔子郡城人邑廩生康熙壬子選拔貢士幼聰
慧於書無所不讀博聞彊記試輒冠軍執經問業

者皆一時之雋坐臯比廉靜自處手不停披或諷以
典故妮妮譚不倦十三入棘闈乙卯北闈卷為同考

所賞卒弗售時論惜之所著有竹田集山茨環諸俗
語通琴言竹譜補遺郡志四考年六十八卒士林淡

相歎 悼

程守 字非二號蝕菴郡城人弱冠入籍錢塘為諸生歲
甲申謝去一意為詩詩刻劃多創匠語不肯寄人

籬下性復澹泊操守極嚴年七十一卒所
著有省靜堂集汰錦詞同學為劄行世

汪沅 號硯村潛谿人十歲而孤即知力學捧書而泣或
詢之曰童子養不逮親慮不可以為人也年十五

入太學喜與耆舊往還鄧孝威湯巖夫鄭谷口極稱
之因刻意為詩詩甚工所著有水香園詩半豹堂咏

物諸詩廿六喪母哀毀成疾查子二瞻為作風木圖

卷多巨公題咏庚午入南闈為初令暢公所得士已
薦復屏會疾作不起

未竟其緒士論惜之

唐祁 號蘿岩根究理學頗得其先白雲先生遺教家貧
性孝典衣侍父絕不令知艱窶狀親亡荷鍤負畚

不日而墳成季父客死以毋弟嗣之已而弟亦亡撫
其孤歸其兩櫬居鄉睦族尤為里黨所稱郡舉鄉飲

大賓子鴻舉康
熙戊辰進士

汪源 澍 叢睦人性至孝父年六十餘病藥不効澍禱以
身代詣呂公祠哭凡七日不食假寐忽見髯而

黃冠者揮塵語之曰汝父生矣驚覺父遂愈源澍終
不言隨以憂勞致疾死之夕曰吾父生吾長笑入地

矣婦許氏年二十一編修許承家女澍死欲以身殉
力防乃止誓節苦操事翁姑如源澍在日里人賢之

載揚州
府志

方啓大 字裕昆號廣居環山人以毛詩入國學淹博兼
通六經撰孝經全書全孝圖說孝傳孝經詠言

真孝錄真學錄墨

淚蘭詩諸書行世

胡崩

字紫明號匏更郡城北關人元儒胡雲峯之後性

絕意仕進

宗尚程朱潛脩實踐與同邑汪德元汪知

默江叵輩

萃紫陽書院講學郡守曹鼎望折節下之

學者多尊師焉

七十以疾終門人

施璜

字元文號浣月郡城人順治乙未進士初授直隸

許書

涑水令滿漢雜處素稱難治調劑有方旗民畏悚

治涑九載不遺餘力

每禱雨輒應民遂以此稱神內

召之日士民挽留者累萬

自朝至暮馬行不過十餘

里毋老不能近養

留內子供奉獨處者二十餘年尤

人所難由禮部出知南康

吏治民俗為之一變匡廬

素多虎災彭蠡又為盜藪

公為文告虎弁詳明告令

虎盜俱息後以母年九十有五告病歸養奉侍至百

歲

云